



89470

長洲朱仲我先生遺著



半隱廬叢稿

行狀附 林思進署檢



林思進署檢

民國丙子夏成都華西
協合大學用活字版印

蘇

華西協合大學國學叢書之二

半隱廬叢稿卷一

長洲朱孔彰

吳鏡如

我撰
香印

吳鏡如江蘇宜興人名協心博聞強記文詞兼美中庚午科舉人光緒初與余相見於杭州撫署同為幕賓始會面問余曰令兄可是名孔陽余曰卽小子之初名於是共談說文昕夕不倦相得益彰鏡如著有說文稽古編五十卷稿本皆草書細字卒後其猶子保彝送余處求為訂定余已為校定十之七八金陵譯書局停辨余到安慶存古學堂為教員不能為鏡如卒業至今歉恨

師轍謹按吳氏說文稽古編先君後仍為訂定鈔寫成書

楊佩瑗

半隱廬叢稿卷一

華西大學國學叢書之二

楊佩瑗名葆彝江蘇陽湖人以保薦為浙江知縣書畫有名營以所得酬資濟寒士解衣推食情誼殷勤余在浙撫梅小巖中丞幕中君為文案相契甚深後為富陽令以新墾田千畝報請歸公辨義舉愛民如子去官後卒于紹興民謳思之余有句云江千十里綠疇新想見當年撫字勤千畝良田遺愛在至今調舞富春民

孫仲容

孫仲容浙江瑞安人名詒讓太僕寺卿孫公衣言之子太僕公以詩文名天下詩得黃山谷神髓精孰遷書文格似歐陽有遜學空詩文集十餘卷行于世仲容少傳家學號為神童十六歲領鄉薦著作等身解經有周禮義疏五十卷詮釋諸子有墨子

閒詒三十卷與德清俞曲園先生齊名博通而精覈過之鄉紳
舉薦監督溫州學堂京師大學初建聘充總教習不應宣統二
年夏卒年六十有一余輓以聯云六句名宿爲儒林宗講學著
書數百卷兩瀾英才開追悼會焚香告祭五千人

呼五百

韓昌黎寄盧仝詩立召賊曹呼五百一作伍伯顧嗣立補注按
朱子云伍伯見古今注什伍之長也後漢禰衡傳黃祖大會賓
客衡言不遜順祖大怒令五百將出欲加箠李賢注五百猶今
之問事也彰按蜀志劉琰傳呼卒五百搥妻今通謂之皂隸

百一詩

梁昭明太子文選詩類特箸百一之目說者多端當以愚者千
半隱廬叢稿

卷一

一

華西大學國學叢書之二

慮一得解訓爲是詩中皆應休健自嘲語問我何功德三入承
明廬下接所以占此土是謂仁智居疑文氣不貫細繹其意占
此土謂歸田之樂仁智居卽智水仁山意魏晉六朝人作詩喜
紆曲此類是也

滄桑豔

丹徒丁秀夫作滄桑豔曲表彰陳圓圓傳誦一時書末題絕句
云荆棘銅駝淚血紅包胥痛哭出關東漢家若畫凌煙閣要讓
蛾眉第一功此詩結句與宋人題王昭君漢家眉斧息邊塵功
抵麗猶百萬人好把香閨舊脂粉豔妝顏色上麒麟同意

天地亦生惡類

天地之性取仁故多生善類以化不善亦少生惡類使不善而

知化于善如毒蟲猛獸不能使之不生所以善惡相濟也如鷓
鳥之食母破鏡之食父螳螂之食夫可謂惡極之類天地亦生
之人中之有極不善者天地亦生之當作如是觀可也

王秀峯師改四六

王秀峯師諱俊丙午科舉人貫漢軍善駢文余初謁曾文正上
書敍家世末段師改數句極佳云念先人私淑門牆有雲龍相
逐之志則小子攀依鈴鼓非馬牛不及之風蓋天下之父歸之
其子焉往而仁者爲功大矣取數至多用成語似宋人四六先
博士于咸豐元年詣闕獻所箸說文通訓時曾文正爲禮部侍
郎帶領引見由此識面曾文正亦精研許書故有私淑之語

曾忠襄公讀詩一快

半隱廬叢稿

卷一

三

華西大學國學叢書之二

曾文正公薨江甯建祠堂于龍蟠里余撰絕句百首歌以祀之
末云少小相依極盛時歛歔今日謁公祠遺聞襍寫江南事
以清尊祭以詩同時甘健侯見之謂收法好詩中襍寫江南事
極有關係後以詩稿呈曾忠襄公閱之甚喜謂官江南數年無
好懷讀朱仲我詩爲之一快又云仲我以文正公爲知己文正
公亦當以仲我爲知己也

龔瀟田

龔啟孫字瀟田浙江東陽人中癸酉科鄉榜博通經訓精核算
學箸有瀟田襍稿十餘卷與余同應詁經精舍文藝冠羣以學
術性情相契深嘗暢飲西湖酒家時大兒師軾姻友金子昌從
我游每人數十觥不醉賞月吟風極清遊之樂趣壬午煠余病

瘡將不應舉滿田在江蘇提學黃漱蘭先生幕中來勸入闈雖病無妨先與余言今科說文可用以典試譚叔裕先生亦精究許書故也榜發余果中式滿田拍案大叫以經題象者像也象者材也交也者效天下之動者也三句多用浚長說恰合滿田知余文必售也後滿田爲貴州修文令擢知州事總辦算學局數年不通問不知今安健否

譚叔裕師贈聯

譚叔裕師籍廣東南海縣諱宗浚戊辰探花壬午科典試江南爲余座主余入都時師爲外官未會面至乙酉年簡放雲南糧道過上海始得謁見賜聯云南閣說文通其故訓東堂登第應推雅材書法集龍藏寺碑句尤典切師卒後有希古堂詩文集半隱廬叢稿

卷一

四

華西大學國學叢書之二

八卷刊行于世余從世兄祖綸處鈔得筆記數種荔邨漫錄中載駱文忠公遺事同治初四川大亂蹂躪已遍先有童謠云若平蜀馬生角似蜀無平定之期迨駱文忠公爲四川總督二年而蜀平始悟馬生角卽駱公也各角音近可知劫數消滅亦是前定余撰中興將帥別傳已刻成此節應補錄特記于此

馮夢華贈聯

馮煦字夢華江蘇金壇人壬午科與余同榜丙戌探花戊子科典試湖南所取多知名士後爲鳳陽府攝道篆升山西河東道適值覽揆之辰余獻聯云帝昇河東偁福星一道民謳淮甸祝生佛萬家又有送行詩云尊酒論文客不孤三年聚首劇懽愉退之他日從中立子美當年感達夫擾擾風塵增別緒霏霏雨

雪念征途濠洲父老千行淚況我知交已白鬚夢華先贈予聯
云家世六書冲表慎史裁一代固刪遷上句謂余承說文家學
下句句拙箸中興將帥別傳可謂強對夢華贈他人聯皆狂草
與余書札楹帖多工楷此最難得者也

輓程序東師聯

程序東師江西宜黃人諱其珏乙丑進士選江蘇嘉定縣壬午
科派內簾爲余房師歷吳江長洲勤于政理好士愛才凡門生
之貧者嘗助以膏火之資爲之謀館公正廉明民稱慈母光緒
未卒于蘇州余寄輓聯云善政永難忘五袴興歌漢代循良遺
則在師恩慚未報一觴遙奠吳江春水淚痕多

王鼎臣觀察

半隱廬叢稿

卷一

五

華西大學國學叢書之二

王定安觀察字鼎臣湖北東湖人甲子科舉人博覽羣書文詞
兼美初選江蘇崑山縣以薦舉升道員山西旱災曾忠襄令辦
振務救飢民數百萬由太行山運糧至晉調度神速皆鼎臣觀
督建策也以事罷官謫戍張家口後以保薦赦回授鳳穎六泗
道適值慈禧太后萬壽鳳陽張燈懸綵觀察書額云陽雒僧鱗
四字咸不解其義蓋出後漢書西南夷傳遠夷人本語願主長
壽也

半隱廬叢稿卷一終

半隱廬叢稿卷二

長洲朱孔彰仲我撰

東洋學士開說文會

東洋人學術專精不可及宣統二年見報章大開說文會于東京羅列說文韻書百餘種有中國鮮傳本者精擇著書人自許叔重以下六家設木主供祀之共七位第一位後漢許慎弟二弟三位南唐徐鉉徐鍇弟四至弟七位清曲阜桂馥金壇段玉裁元和朱駿聲安邱王筠餘非注全書不設木主余深歎其選擇之精非深通說文者不能也

甘健侯

甘健侯名元煥江甯人中丙子科鄉榜為人誠篤文翰擅美一

半隱廬叢稿 卷二

華西大學國學叢書之二

時所著有桑泊草堂稿師事汪梅邨先生同修江甯府志天性至孝母卒廬墓四五年廬傍有桑有池因自號桑泊主人光緒末年卒余輓以聯云詩文有家法觀遺篋所藏不愧梅邨高弟誠篤與余交憶同舟共濟難忘桑泊故人

說文水部滔从百俗从白者許書無此字

四兒師鏞問字

四兒師鏞好字書兼通英文學未成而死余甚惜之嘗問黜人

言飢俗語曰肚裡康讀上聲當用何字余曰說文欠部有歛篆當

用此字說文歛飢虛也从欠康聲禾部有稊字康爲或體篆文从米作康今从水實違古義欠康卽欠米之意故訓飢虛是形

聲兼會意字

張子蔚精孰杜詩

長洲朱孔彰仲我撰

光緒初余自西泠來遊皖水見故人張子蔚

名郁

以執扇一柄

書七絕四首贈之子蔚次韻和予四章情文並茂一時未能記

憶錄其二章末二句云一泓清絕西泠水染上豪端不見痕謂

余所作楷書時摹靈飛經三章末二句云莫言君取懷知遇我

亦臨風憶相公余詩兼敘曾太傅時事故並荅之子蔚精熟杜

詩幾於全集能背誦有詩鈔四卷余爲點定交其族孫烈仲藏

之

鼠坻牛場

四兒師錯問鼠坻牛場何解余曰揚雄荅劉歆書恐雄爲太玄

經由鼠坻之與牛場也如其用則實五稼飽邦民否則爲牴糞

棄之於道矣鼠坻當是鼠穴邊之地積有鼠糞牛場是牛欄邊

半隱廬叢稿

卷二

二

華西大學國學叢書之二

之地積有牛糞如用糞以肥田則五穀熟民人育如不用此糞

則棄於道路由與猶通言太玄用則貴不用則賤也

金子昌工漢隸

金子昌名殿祥安徽黟縣人中乙酉科鄉榜更名慶慈精算學

工漢隸澹雅絕倫一日可作五六千字有掉臂游行之樂後爲

湖北遠安松滋令多善政不用幕友日坐堂皇判斷其勤如此

余有母喪君寄輓聯云設幔授經緬宣文範束芻獻雅愴孺子

懷寫作均佳有子邦平字伯屏由日本大學畢業歸國應庭試

欽點翰林院檢討余賀以聯云三千世界新榜特開恩命寵同

家竹垞二百年來詞林佳話歡聲傳徧小桃源黟山有桃源洞

故名小桃源余七十生日伯屏撰聯祝余云江表蒼英七旬名

宿中興閒氣一代雄文聯句甚佳媿吾不足以當之

孫渠田先生二門生

孫渠田先生諱鏘鳴浙江瑞安人道光丁未爲會試同考官得二門生一爲李文忠一爲沈文肅文忠與渠田先生甚親洽而沈文肅則與師誼甚疎渠田先生主鍾山書院講席取課卷前十名文肅竟顛到更之渠田先生遂辭館歸渠田先生之兄勳西先生諱衣言時爲江甯藩司意見亦與文肅不合恭親王在軍機調停升太僕寺卿去江南人皆言文忠有禮文肅無情也余誦五代王仁裕賀王溥入相詩一戰文場拔趙旗便調金鼎佐無爲白麻驟降恩何極黃髮初聞喜可知跋勅案前人到少築沙堤上馬歸遲立班始得遙相見親洽爭如未貴時按立班半隱廬叢稿卷二

勤唉厥生

文選韋孟諷諫詩我祖斯微遷于彭城在予小子勤唉厥生勤唉二字不見他書漢書韋賢傳作勤諛按唉是本字小兒啼聲言兒生下歔啼也漢書顏師古注談歎聲非是諛是段借字說文可惡之詞

時靡不練

又韋孟諷諫詩末段致冰匪霜致墜匪媢瞻惟我王時靡不練李善注練委也非是按謂以上所言逸游之非王亦深知之靡

不諳練也當訓練習之練說文練凍縉也練習是轉注之義

度詞

度詞爲隱語見于春炆傳范文子暮退于朝武子曰何暮也對曰有秦客度詞于朝大夫莫之能對也吾知三焉又太平廣記引嘉話錄載權德輿言無不聞又善度詞嘗逢李二十六於馬上度詞問答聞者莫知其所說焉或曰度詞何也曰隱語耳論語不曰人焉度哉人焉度哉此之謂也彰按度訓匿匿其詞故爲隱語嘉話錄引論語亦是別解與王充論衡引天壓之天壓之不佞厭棄之厭解皆可備一說度亦佗度孟子若是乎從者之度也亦訓匿說文無度度二字

程抑參徵君

平隱廬叢稿

卷二

四

華西大學國學叢書之二

程抑參先生初名朝儀字仲威前清宣統帝卽位避儀字以字行安徽黟縣人嘗令其高弟胡元吉敬庵以所著文送余閱敬庵喜讀宋人理學書多述師語余評其文理精密且曰望他年如何仲弓之薦桓春卿也後敬庵在于蔭霖先生幕中揄揚師說蔭霖先生果專摺薦于朝詔徵之因老不能詣闕成僞爲程徵君余評語在廿年前果符驗也

媼

四兒師錯問踰人言小女兒五官端正曰描頭好是寫此描字否余曰依說文當用媼字目裏好也揚子方言凡好而輕者謂之媼關東河濟之間謂之媼

雙

四兒又問世俗媼婦偁姑曰婆婆詩經有婆婆字說文雖無似仍寫婆字爲是余曰然說文女部婆娑佗娑娑大徐曰娑今佗婆非是余按娑奢也奢音古近皮皮波同聲博雅娑老媼也又云娑娑往來兒寫娑娑可寫娑娑亦可般波亦是雙聲

爹

四兒問爹字說文不錄廣韻爹父也屠可切今人何以讀顛音余曰此讀音之誤當近夕聲南史梁始興王憺傳詔徵還朝人謂曰始興王人之爹赴人急如水火何時復來哺乳我爹與火我叶乃古音也

八八

四兒又問正字通夷語稱老者爲八八或巴巴後人因加父佗半隱廬叢稿卷二

程伯堅師與嶺下之戰

清咸豐六年四月髮匪白酋竄踞城一月民不能刈麥無食闔邑約期攻之北鄉首舉義旗賊先一日偵知率三千人到十都嶺下殺男婦四百餘人有壯士金觀海手擊火槍擊死賊先鋒一人過於勇猛因割首級陷泥淖賊攢矛刺之死衆因敗退伯堅師以長矛抵禦賊回城明日退出夥境余有詩甲金君云幾椽茅屋久荒涼憑弔彈丸舊戰場想見當年金壯士苔階猶臥綠沉槍金爲獵戶火槍百發百中惜其膽過大也伯堅師與嶺下之戰余亦有詩云郊外風煙近麥禾書生今日誓同仇用矛馳入齊兵去好義誰如魯冉求伯堅師素有拳勇名朝鈺夥

縣廩生年三十卒卽抑菴先生之兄亦通說文學先博士門生也

冠帶自相索

古詩十九首中洛中何鬱鬱冠帶自相索二句李善注未明憶孫述曾問何謂自相索余曰鬱鬱句言洛中之盛也自相索言衣冠之族相應求貧者不與焉此篇是東漢人作書言粉不素

冠蓋蔭四術

左太沖詠史詩冠蓋蔭四術孫述曾問曰管子度地篇百家爲里里十爲術術十爲州此術字義同否余曰同說文術邑中道也是本訓故从行朮聲言道闊可樹五穀也由邑中道而申其

義卽爲里十爲術之術心術學術之解皆引申之義引申之義

半隱廬叢稿

卷二

六

華西大學國學叢書之二

卽轉注也太沖蜀都賦亦有甲第當衢向術亦是用術字本訓

修志

修志責在總纂以名爲重者必認真編纂書易成以利爲重者必延緩而無成同治間亂平先修安徽通志更易數手未成吳竹莊方伯延黟縣程君伯敷爲總纂斯夕不輟卷稿就而病有子恭甫名壽保己丑舉人爲清理寫本前後未四年稟成書有條不紊博采無遺每篇經伯敷親裁或自撰所以爲善志也湖北通志顛到錯亂總纂更易多人延三十年而未成書費銀廿餘萬稿本雜亂無章雖張文襄公見之無可如何可見修志之難也

雙聲

兒輩問雙聲之義余曰雙聲字三百篇中最多如關雎之參差

汝墳之調飢行露之厭沍施丘之流離皆雙聲也自有反切雙聲易明就說文中大徐本後人附唐孫愐切韻如一部元字愚袁切元愚雙聲元袁疊韻是也小徐繫傳附宋朱翱反切如不字鋪眉反不鋪雙聲不眉疊韻是也學者可以此類推

半隱廬叢稿 卷一



字餘原又在韻雙聲不固為韻長也其音而以此韻集
其世之韻雙聲元袁其韻長也小徐繫傳附宋朱翱反切不
音息韻餘說文中大徐本後人附唐孫愐切韻如一部元字愚
汝墳之調飢行露之厭沍施丘之流離皆雙聲也自有反切雙

半隱廬叢稿卷二

長洲朱孔彰仲我課

徐騎省詩

余校徐騎省集錄出七律一首備補黔志藝文題為送許郎中

歙州判官兼黟縣詩云嘗聞黟縣似桃源況是優游冠玳筵遺

愛非遙應臥理

原注許嘗宰涇縣

祖風猶在好尋仙

原注許宜平黟人得道

朝衣

舊識薰香史祿米初營種秫田大抵宦游須自適莫辭離別二

三年

汪漢卿

元汪漢卿有養浩集二十卷字景辰黟縣人官國子監丞見錢

竹汀先生補元史藝文志

半隱廬叢稿卷二

汪文臺

黔汪文臺先生字南士與先博士以箸書論字相契遺稿多未

刻其集後漢書七種皆范蔚宗所據知劉宋時去東都未遠范

據以編纂亦非難事七家佚文實足證今范本之誤邑後進李

君爰得棻以流傳始知七家後漢書誠足寶貴七家司馬彪謝

承辭瑩華嶠謝沈袁山松劉珍是也蔡邕編有漢事十意惜全

佚矣

上頭

吾次兒師轍嘗讀南史孝義傳有筆記一則謂黔人貧苦之家

多養他姓幼女為媳及長然後成禮合昏謂之上頭初疑為俗

語後讀華寶傳云父豪晉義熙末成長安寶年八歲臨別謂寶

曰須我還當爲汝上頭始知爲古語

翻穿外袷

予友黦程伯專雞澤睡錄云黃君子壽問今翻穿外袷始於何時余按說文表字解云古者衣裘以毛爲表蓋依許書表字當作裘彰按表下云皮衣也象形與裘同意則知製字之時以毛爲表故有裘字古文求尤象形與艸雨衣之裘亦以艸爲表今裘多以樛爲之俗作裘

黦人語音合於許書

予友宜興吳鏡如讀先博士說文通訓言吾蘇人語音合于說文者取多經通儒發明其義益顯余曰余生長於黦又知黦人語音合於許書者亦不少此汪文臺愈理初二先生所未道及

半隱廬叢稿

卷三

二

華西大學國學叢書之二

也如說文風部颺大風也按讀若冒黦人謂大風之聲曰颺拉颺說文兩部霰小雨也按讀若叢霽小雨財零也讀若斯黦人謂激雨曰兩毛叢卽霰字又謂兩毛斯卽霽字說文束部縶小束也讀若爾黦人取薪一小捆曰一蔀柴卽葉字說文束部縶小戾也从束从刀刀者刺之也按與刺字異孫恂切韻刺盧達切黦人謂以刀割物曰拉卽刺字說文禾部秬禾危穗也玉篇亦懸物也引申爲穀數之名都了切黦人謂穀二十斤爲一甲卽秬字說文米部秬陳臭米黦人言米變曰發紅卽秬字說文瓜瓠結曰起象形曰居剌切黦人謂藤上生瓜多曰結穉音近說文古文亥與豕同黦屠肆中記帳曰亥幾斤黦人吮曰束卽歛字說文歛吮也孫恂所角切黦人腹飢曰慊卽歛字說文歛

飢虛也黦人謂閉飯喫或言油閉飯當是鎖字讀如賁卦之賁
說文鎖瀦飯也鎖字程春浦所說黦人謂種豆芽曰噴豆芽蓋卽埤字

說文埤種也一曰內其中按埤讀如盞黦人謂髮密曰髮稠卽
鬢字說文鬢髮多也黦人謂女子細腰嬌脆曰規規卽髮字說

文秦晉謂細爲髮黦人謂小女美曰苗頭好卽媠字說文媠目
裏好也按讀若苗黦人謂水射人衣曰濺卽澣字說文澣水中

人按讀若贊黦人謂險峻曰棧有羊棧嶺卽棧字說文棧尤高
也以示鏡如鏡如問之金子昌語音皆合子昌黦人也曰許氏

云丹陽有黦縣蓋自秦漢已有此縣應有語音通於古也
案秦說文事物之名用黦語解釋

說文衣部襪綉跣也黦人謂女襪曰膝襪襪木部檐檜也黦人
半隱廬叢稿卷二

謂之披水倚牆屋半閒亦謂之披檉披音近口部囹廁也从口
象豕在口中會意黦人謂之豬闌囹譯也从口化率鳥者繫生

鳥以來之名曰囹讀若譌黦人謂之探籠黍部黎履黏也黦人
謂之鞋百讀去聲以麪漿粘布而成罔部羅牖中罔也今黦中以

鍊條爲罔謂之檻色巾部幡書兒拭觚布也黦人謂之書包布
髟部髮用梳比也按益髮之用蘇州謂之髮髮黦人謂之頭髮

種髮臥結也黦人謂之盤辮石部礪以石扞縉黦人謂之研石
木部援履法也黦人謂之鞋算謂算其尺寸寬緊而合於法也

乘牛鼻中環也黦人謂之牛迅謂牽之而牛迅行也以木爲之
柶斗可射鼠按捕鼠之器黦人謂之老鼠糶耒部鞋音用文段

爲裁本改可以割麥黦人謂之穀杷竹部箬答也一曰盛箸籠

夥人謂之篋箒

以香悵所二字

次兒師轍言公羊桓五年傳陳侯鮑卒曷爲以二日卒之悵也

何休解詁悵者狂也齊人語陸德明音義悵呼述反按讀如護

夥人謂發狂爲護即此悵字皆合古語惟悵字說文不錄又夥

婦人罵人曰數數其惡也師轍言穀梁傳俠者所俠也楊士助

疏引廉信謂所爲斥合夥人語音則方音當作所數所音相近

叔重云所伐木聲也亦有擊之之義

後輩僂先生或省先字或省生字均通

夥人敬前輩僂先生字曰某某生如史記王生陸生賈生之僂

皆省先字而譏祁門人但僂某某先余曰史記鼂錯傳學申商

牛隱廬叢稿

卷三

四

華西大學國學叢書之二

刑名于軹張恢先所徐廣注先卽先生漢書鼂錯傳後公卿言

鄧先顏師古注鄧先猶言鄧先生則單言先字亦通

程伯堅師解說艸部字義

程伯堅師曰說文艸部字義有用夥人語說益明者如蔀童蔀

也夥人謂之野穀在桂荏夥人謂之紫蘇薇菜也似藿夥人謂

之野碗豆菠菜類蒿夥人謂之水芹菜醃菜也夥人謂之泡菜

用鹽水一甕置生菜其中五六日食之脆美猶釀酒也芋大葉

實根駭人夥人謂之芋頭見其根大如鬼頭尙有駭人之語菁

非華也夥人謂之韭菜花蘆蘆蕪也夥人謂之蘿卜蔞蕪屬可

以香口夥人謂之三奈藟楚謂之離夥人謂之白芷芥甘艸也

夥人亦謂甘艸長楚跳弋一名羊桃夥人亦謂羊桃實大如李

皮薄灰色肉淡綠色無核有細黑子無數秋八月摘于藤上藏至冬如雞子黃味甘美下酒佳品也忍冬艸黠人謂之金銀花蕁芫藩也黠人謂之知母蕁艸也黠人謂之萑芫蕁艸也黠人謂捫艸作艸履用之萑寄生也黠人謂之寄生草藥中有桑寄生菘雕菘一名蔣黠人謂之科筍菘香蒿也黠人謂之苦菘

音堅

蕁茗之黃華也黠人謂之飄三月生水邊實如桑葢紅色味甘美性熱多食舌出血紫色細粒者不可食謂蛇蕁有毒蒸折

麻中榦也黠人謂之紵榦可代苴燭藻水艸也黠人謂之魚艸

剝費二字

墨子非儒篇視人衣以酤酒孔叢子詰墨作剝人衣今黠人強解人衣尙言剝衣裳又墨子魯問篇豈不費哉王引之讀費爲

半隱廬叢稿 卷二

五

華西大學國學叢書之二

悖今黠人言人悖謬猶有此語

雙料酒

余友桐城姚仲實家藏方翁山先生集中有至黠縣詩云石盂山下雪花飄旅舍將何慰寂寥惟有城南雙料酒一瓶差可度寒宵

原注黠縣城南黃酒名雙料酒味最佳

按翁山字爾止名文桐城人與錢牧齋余荔裳王漁洋爲友今雙料酒味美名存每壺價四十青錢

石盂山或言卽尾山在五都余寓黠北郭外石邨書軒正對尾山

栗薪

黠山中產木銀匠多用栗樹柴蓋栗樹性堅火烈而耐久問者曰古尙用此木否余曰詩不云乎烝在栗薪韓詩作麥薪麥不

耐燒也栗麥雙聲段借字鄭康成訓爲栗裂非也

鬼衣

黻俗七月十五日後家家剪紙作鬼衣至野外焚之以爲送鬼之寒衣問者曰古剪紙招魂是此物否余曰然檢說文衣部有裝字叔重訓爲鬼衣疑漢時或亦剪紙爲之裝从衣裝省聲讀若詩曰葛藟綮之之繫

死字解

說文恆古文作死常也依小徐本作死汗簡亦作死程伯堅師曰天地之間人與月離而恆見故从二上下天_地从人从月卽人字與亟同意心之變爲人者如毛詩視民不怵說文作佻態或體作能可證

半隱廬叢稿

卷二

六

華西大學國學叢書之二

杠字

說文杠牀前橫木黔人謂之牀挺以榷木爲之按榷樹結果三年乃食黔人以爲見三代子孫取其吉祥

李健齋廉訪牛莊戰事

牛莊之役在光緒二十一年二月初八日早魏午莊方伯四營李健齋觀察一營先至以爲援牛莊也而不知牛莊已失與日人戰一時而退蓋牛莊先一日失礮臺兵已盡散矣初八日已刻李親率四營繼至亦不知牛莊之爲日人據直至市中日兵乘衆萬人拒戰李健齋亦不能退直前搏戰兵已陷入死地無不以一當百鏖戰至日哺斬日兵千餘級竟無官軍來援遇謀漸漸收隊衝出莊外營哨官死者十餘人士卒死傷數百人有

一營官受傷不能戰據地而坐揮兵直前竟斬日軍官一人日兵卻人謂當此時援兵至牛莊可復也又戰一時許訖無援軍至不得已衝出去牛莊三十里已昏黑日兵急追李健齋令軍中曰駐此再戰軍士曰死亡已多僅數百人尚可戰乎李曰可此卹册牆甚多吾列幟而俟藏擡槍於短牆後兵士少以槍管前架短牆後以兩人持之藥筒尙可排擊彼不知我衆寡地勢甚便不可失也若戰勝彼必不敢追不然盡爲禽矣衆以爲然日兵追至又斃百數十人乃退是日共殺日兵一千五百餘人計與日本交兵以來未有如此次之鏖戰斬級之多者易質甫盾墨拾餘頗紀此事余因其叙戰事尙略故補記之健齋爲李忠武公續賓子禮賢愛士饒有父風由是威名大著光緒二十年

半隱廬叢稿

卷二

七

華西大學國學叢書之二

五年煠官浙江按察使朝廷令統浙省馬步三十六營以意大利兵船窺我海甯駐甯波調度防禦益招募湘軍部署精嚴外人憚之潛消詭謀平時練兵箸有誓師要言十二章語語探原實有名將之風其冬以暴病卒於軍人咸惜之

胡文忠公珊瑚頂詩

胡文忠公撫鄂時轉弱爲強籌筆之暇尙以吟詠自娛記其得頭品頂戴有句云可憐多少蒼生血染就珊瑚頂上紅其憂民之心即此二語已可見矣

曾文正公慰忠襄公詩

曾忠襄公旣克江甯大功告成人猶有毀之者謂其坐縛檻馱且珍寶多入軍中其實喋血二年險阻艱難備嘗之矣賊久無

糧米火藥罄其資以通外國奸民並無有窖金聞人言不免拂鬱引疾歸田兄文正公因忠襄四十初度作詩慰之連章絕句十三首余最喜讀第十章云左列鍾銘右謗書人閒隨處有乘除低頭一拜屠羊說萬事浮雲過太虛用莊子楚昭王反國臣反屠羊事功成不居臣子盡心當如此毀譽無足計也以文正之襟懷勉忠襄而忠襄晚年休休有容胸中空空洞洞一豪無着可謂進德之猛矣

曾文正發火藥至公

曾忠襄圍金陵時因開地道欲多請火藥文正按江南各營照派亦未能加增忠襄每以爲不然與文正書云大兄名大又曰大兄官高文正荅云兄名大弟名亦不小兄官高弟官亦不卑半隱廬叢稿卷三

又合肥李公園懋山東與文正書云外閒言恃吾師爲中流砥柱文正荅云兄又恃吾弟爲中流砥柱一時兄弟師友相勉之意可知矣

曾忠襄公救荒

曾忠襄公當光緒丁丑復撫山右適遭年大旱赤地千里爲古來未有之奇荒籌振銀一千三百萬兩活飢民六百萬人省中設廠振粥至公所不能容分廳事以棲難民鳩形鵠面坐臥其偏令子弟視其食俾知民生疾苦署中亦素食故如此災荒國人不亂及其去也百姓攀轅涕泣建生祠奉之晚年治兩江爲政責大指不苟細尤純乎仁愛云

曾忠襄公書法秀勁爲文疏宕文正公嘗授鳴原堂論文一卷故有家法駐雨花台園困時與人通書叙戰事日數十百紙恢恢有餘書詞兼美世人寶之有數帖見八賢手札中石印筆跡宛然裝成四卷湘陰郭慶藩以當時名公與其父崑燾手書墨蹟上石崑燾時爲湖南巡撫賂公秉章幕客所謂八賢者曾文正胡文忠路文忠沈文肅左文襄彭剛直曾忠襄李文忠諸公

中興書目

余撰中興將帥別傳時所見書二百餘種國史官書而外有鈔本有刻本或未采錄或所紀有異同茲略載其目俾後人兼考焉平粵匪方略 平捻匪方略 十朝聖訓 國史館傳 湖南通志 湘鄉縣志 湘陰圖志 湘陰郭嵩 安徽通志 黔程

半隱廬叢稿 卷二 九 華西大學國學叢書之二

江甯府續志 江甯汪士 蘇州府 撰

吉林通志 吳中平寇記 無錫錢 豫軍紀略 撰

兩江忠義錄 桐城方宗誠 欽 平定關隴紀略 山東軍興 撰

湖南襄忠錄 汪宗沂 撰 湘軍紀實 本

州府志 湘軍志 閩運 湘軍記 定安 撰 東南紀實 本

六合紀事 鈔本不著撰人姓名 庚申北略 鈔本不著撰人姓名

苗變紀事 韓超 撰 獨山平匪日記 鈔本空 六 遵義平

匪日記 鈔本空 六 平定粵匪紀略 曾徵劉壽 曾文正公全

胡文忠公全集 左文襄公奏議 沈文肅公奏議 略

文忠公奏疏 彭剛直公奏議 曾忠襄公奏疏 劉中丞

集 湘鄉劉 劉武慎公全集 江忠烈公遺集 劉襄勤公奏

議本鈔 劉襄勤公事實湘鄉王 禮培撰 江忠烈公行狀郭嵩 燾撰 彭剛

直公行狀王閻 運撰 彭剛直神道碑德清 俞 樾撰 羅忠節公全集

先正事略平江 李元度撰 天岳山館文鈔同上 顯志堂文集吳縣 馮 桂芳撰

拙尊園稿遼義 黎庶昌撰 盾鼻餘瀝左文 襄撰 遜學齋文鈔瑞安 孫 瑞安撰

柏堂文集桐城 方宗誠撰 存誠齋文鈔香山 何日愈撰 我戰編鴻甯 文撰

多忠勇公平陝事略蓋屋 李宗燾撰 多忠勇公勤勞錄 霆軍紀

略銅梁 陳昌撰 戰功紀略金國均 胡壽椿撰 移芝室文鈔楊 夔撰

京口兵事記鈔本 丹徒 陳慶年撰 蔭渠先生行略新甯 劉坤一撰 王壯

武公年誼湘潭 羅正鈞撰 席少保行狀義甯 陳三立撰 元穆文鈔湘鄉 杜 俞撰

求闕齋弟子記王定 安撰 平撚匪紀略陽湖 周世徵編 李武愷公絕

命詞南皮 張之萬跋 陳巡撫名士 杰撰 行狀王閻 運撰 有恆心齋集黔 程 鴻詔撰

半隱廬叢稿 卷二

黃觀察 鼎 車略 盃山文稿江甯 顧 雲撰 金陵通傳江甯 陳 作撰

石威毅公神道碑梅城 陳澹然撰 舉義文存上元 張 繼撰 望三益

齋叢書盱眙 吳棠編 武軍紀略長沙 陶森甲撰 守默齋雜著善化 何 應祺撰

雙楮山館文集長沙 鄧瑤撰 曾文正公年誼黎庶 昌撰 曾忠襄公年

誼鈔本 金壇 馮煦撰 庸齋文編武進 薛福成撰 庸齋文續編同上 八賢手

札湘陰 鄧 廌撰 田巡撫與 恕撰 墓誌銘江陰 繆 荃孫撰 龍岡山人文鈔黃 岡撰

信游陞記輪州 胡發瑛撰 庸閒齋筆記海甯 陳其元撰 王壯武練

勇芻言陳三 立跋 臨陳心法劉連 捷撰 溫觀察事略鈔本 徐鼎撰 丁

文誠公墓志銘趙國 華撰 吳武壯公行狀瑞安 黃 體芳撰 適可齋記行

曾文正公家書 邵亭文鈔獨山 莫友芝撰 廬州戰守記肥 城撰

史念祖文稿 張廉卿文稿 李肅毅伯奏議桐城 吳汝綸編

張尙書奏議

南皮張洞撰

韓果靖年譜

鈔本晉浦陳昌運撰

楊勇懋公

事實

鈔本

曾文正批李秀成口供

光緒兩淮鹽法志名宦傳

王定

金陵文鈔

江甯陳作霖等編

左文襄公神道碑

桐城吳汝綸撰

皇

朝經世文續編

潘巡撫行狀

合肥張寶書撰

潘撫軍傳

桐城方旭撰

從軍紀略

善化楊玉科撰

楊武愍死事節略

善化楊汝翼撰

鳳山筆記

歙縣

黃崇

皖南軍務紀略

青陽陳鍾秀撰

兩淮戡亂記

松滋張華墀撰

滇南

紀事

大理馬恩溥撰

盾墨拾餘

長沙易順鼎撰

越事備攷

桂林劉名譽撰

皖上

兵事記

桐城許恩溥撰

後樂堂文鈔

鹽城陳玉樹撰

東征紀略

新甯劉坤一撰

耆獻彙徵

長沙李桓編

許仙屏侍郎過廬陵城詩

許仙屏侍郎度領帥晚年作多悽愴之篇如過廬陵城下絕句

半隱廬叢稿

卷三

云天華山下吉州城六月會同采芑行三十九年尋戰壘暮雲

牧笛可勝情侍郎於咸豐八年從曾忠襄攻吉安駐天華山時

兵弱賊強後竟克之蓋感舊而傷懷也

辭川東道

黔縣程鴻詔伯專同治年閒在湖廣總督李文忠公幕中掌箋

奏李公奉上諭往四川查辦事件伯專從之李公奏參川東道

某謂伯專曰吾欲保薦老同年補斯缺伯專曰不可公雖至公

吾心不安李公遂不相強吾觀近世傾軋之風有求之弗得者

伯專此舉可以懲薄俗矣特書之以警官場

寫履歷

洪琴西都轉在揚州以鹽官多冗員初為考課法有文有策其

不能者僅試寫履歷都轉管手校說文通小學余曰依說文恐履歷二字亦不知寫都轉笑曰誠然依段懋堂當寫履歷字乃合古義

送洪都轉詩

涇縣洪琴西都轉汝奎爲揚州鹽運使一年興利除弊懲惡勸善吏治方蒸蒸日上而因事去官余深惜之贈詩云去年記買越溪舟喜得芳音正菊秌廿載聞雲欣有託二分明月待清游高情延入題襟館盛宴頻陪瑑采樓公取董子語風雅提撕眞愛士文章今日仰盤洲詩書道味蘊吾儕夜夜焚香治事齋白弊祛除歸府海一朝滌洗見清淮漢儒孰議春秌讞時因案蜀赴會審蜀相常存淡泊懷原任去來江上月囊琴籠鶴興都佳一年報政

半隱廬叢稿

卷三 一 二 華西大學國學叢書之二

幾披星願獻清勤座右銘長孺發倉持使節鄭公籌粟慰朝廷

避潮墩上民安宅

今夏泰海鹽場猝被風災窟舍民廬沒於潮水公籌資振撫並散竹木令民自蓋屋又給

棉衣禦冬活

待月謬

連署閩中軒名

前吏讀經

公以官屬無事多自給學授十三經令其校字

並給筆資咸樂從之

風氣潛移人不覺歌聲已到竹西亭南衙鍾曉畫堂

開清燕晴窗試策裁日月勤咨經國務

公試羣僚有經國堂課

江淮思拔

出羣才梅花官閣心都淨楊柳河隄手自栽

公買柳株插河干以固隄

好待

東風騎竹馬春旗遙映迓公來

李文忠贈陳虎臣聯

石埭陳拔貢艾字虎臣曾文正駐軍祁門屬辦采訪忠義局時李文忠居曾公幕府與陳拔貢有年誼陳營酒酣言志云家有老母俟江甯克復囊餘千金吾請歸養閉戶著書不干世事矣

文忠曰君志何其小吾爲督撫籌三千金奉贈何難後曾文正
去江甯陳君辭差李文忠署兩江總督解囊贈三千金踐前言
并贈聯云特籌公瑾一困粟好臥元龍百尺樓至今傳爲美譚

贈劉君聚卿三十初度詩

光緒甲辰九月五日爲聚卿觀察三十覽揆之辰撰詩二章奉

頌觀察覽之以爲工茲記于此今上龍飛御極初挺生英哲氣

充閭五洲大地通商務君總辦商務局萬里重洋訪異書光祿公出使英俄時君請

訪異金石文章椽筆握君所述金石文經綸事業棟梁儲春爍

三十人忻羨諸葛先經出艸廬風流文采萃衣冠猶喜當年早

識韓媿我相陪天祿校彰承乏祝君合作歲星看先博士著歲星表數種君

軒競衆刻衆學軒競書中仲華年富封高密公幹才名噪建安今日縣弧逢盛

半隱廬叢稿卷二

一三 華西大學國學叢書之二

宴黃花綠酒數杯寬

三十八人
金日文章
正馬大
廬叢稿
卷二
一三
華西大學國學叢書之二

半隱廬叢稿卷四

長洲朱孔彰仲我撰

墨子尚賢沮以為善垂其股肱之力
彰按沮以為善當作沮其為善垂當作遜說文讀若住不行也
猶止也謂止其股肱之力不冒用也

其所賞者已無故矣

王念孫云故乃攻字之誤攻即功字彰按無故二字不誤與上
文無故富貴同義無故富貴謂不當富而富不當貴而貴者此
言不當賞而賞者蓋墨子當時語今夥謬言人憑空得財曰無
緣無故

距年之言尚賢篇

半隱廬叢稿卷四

華西大學國學叢書之二

畢氏沅云距年猶云遠年彰按距當作巨巨年猶大年距年之
言猶云故老之言

大人鏞然奏而獨聽之非樂上

畢氏沅云鏞字說文玉篇俱無彰按鏞然當作肅然

為兄則不良非命上

孫氏詒讓據舊說良當為長彰按詩人之無良我以為兄良不
必改為長文義極順注擬全刪

帝式是惡用闕師非命中

畢氏沅云闕當是喪厥二字下篇作用喪厥師孫氏星衍云厥
為闕形相近彰按闕段借為厥說文重文蹶蹶同闕上只奪一
字

戰當順流而退

咸豐二年岳州之戰褚汝航敗死因順風進兵甚速及退時值逆風加繚挽之賊在岸擊楚軍大亂褚汝航死之是後知順風不可進戰也墨子魯問篇云昔者楚人與越人舟戰於江楚人順流而進迎流而退見利而進見不利則其退難越人迎流而進順流而退見利而進見不利則其退速越人因此若順勢即字也亟敗楚人觀此可以知舟戰矣

孔道

前漢西域傳云出陽關自近者始曰諾羌去長安六千三百里辟在西南不當孔道顏師古曰孔道穿山險而爲道猶言穴徑耳按今秦西各國鐵路有穿山過者乃真是孔道元李仁卿駁半隱廬叢稿卷四
顏注謂孔道仍是大道似不盡然彰以爲師古在唐時聞外國人言當有所據不可疑其說之怪今中華京漢鐵路由漢口至信陽州有一孔道至河邊又一孔道亦可證師古說

一人薦二刺客

伍子胥既薦專諸于闔廬刺死王僚又薦要離于闔廬刺死公子慶忌專諸學炙魚三月而有魚腸之事事近于正要離燔妻子又自斷其右手至衛而求見慶忌慶忌信用之中流害慶忌既事之而又刺之乖於事理不足垂示於將來故刺客傳不載要離有以哉

古人好鈔人詩句

曹孟德短歌行鈔三百篇鹿鳴四句不以爲嫌古詩人亦喜鈔

前人句如甫田饁彼南畝田饁至喜二句鈔幽風七月魯頌泮
水敬慎威儀維民之則二句鈔大雅抑小雅出車嘒嘒草蟲五
句鈔召南四月飄風發發民莫不穀我獨何害二句鈔麥莪谷
風母逝我梁母發我笱我躬不閱遑恤我後四句鈔小弁衛風
竹竿女子有行遠父母兄弟二句鈔蝦蟇抑詩無競維人四方
其訓之二句鈔周頌小雅采芑約軹錯衡八鸞滄滄二句鈔商
頌又烈祖顧予烝嘗湯孫之將二句鈔那此二篇想一人所作

詩雙聲疊韻謹

昔人云疊均易明雙聲難明試以說文部首一上二字孫

恂切韻證之一於恣切一於爲雙聲一恣爲疊韻上時掌

切上時爲雙聲上掌爲疊韻當如此類推恐初學未憭今

半隱廬叢稿 卷四

以三百篇雙聲疊韻連語譜次如左

三

華西大學國學叢書之二

周南

窈窕

疊均亦雙聲

參差

說文引作棰差雙聲

輾轉

輾當作輟雙聲亦疊均

崔

鬼

均疊

虺隤

均疊

于嗟

雙聲

召南

蔽芾

韓詩作蔽弗雙聲亦疊均

厭浥

雙聲

委蛇

韓詩作逶迤雙聲亦疊均

邶

差池

疊均

踴躍

雙聲

契濶

雙聲

眈眈

雙聲

眈眈

釋文亦作繩勉雙聲亦

匍匐

施

禮記檀弓下引說文眼部作匍匐雙聲

蒙戎

均疊

流離

雙聲

燕婉

雙聲均

蓬蔞

均疊

戚戚

鄘

施

禮記檀弓下引說文眼部作匍匐雙聲

蒙戎

均疊

流離

雙聲

燕婉

雙聲均

蓬蔞

均疊

戚戚

蝮蝮 說文手部掃注作蝮蝮爾雅釋天亦作蝮唐韻蝮同蝮蝮雙聲

衛

沃若 均疊

鄭

磬控 雙聲 縱送 均疊 翱翔 雙聲 逍遙 正篆均釋文作消搖按說文

扶蘇 均疊 挑達 雙聲引作斐達

齊

顛倒 雙聲 婉孌 均說文 豈弟 雙聲亦 猗嗟 均疊

魏

沮洳 均疊 茹蘆 均疊

唐

半隱廬叢稿 卷四 四

蟋蟀 雙聲 綢繆 均疊 邈迤 雙聲韓詩 椒聊 均疊段玉裁云毛

椒聊又疊字疊均單呼曰椒桑呼曰椒聊又同然皆以蘇蔓為連蔓可證詩傳之謫 蘇蔓 雙聲吳協心云蘇蔓猶連蔓也魏

秦

兼葭 雙聲 權輿 雙聲

陳

婆娑 均說文 榭遲 雙聲 窈窕 均疊 優受 均疊 天紹 均疊 滂

沘 雙聲 菑菑 均疊 輾轉 雙聲亦疊均 優受 均疊 天紹 均疊 滂

曹

蜉蝣 均疊 掘閔 均疊 蒼蔚 均說文

幽

幽 均說文

響發

雙聲說文作畢發

栗烈

雙聲亦疊均說文作𦉰𦉰

拮据

雙聲說文田部引作叮𦉰

漂搖

羸

均疊

伊威

均疊

叮唾

雙聲說文田部引作叮唾

燿燿

小雅

倭遲

均疊

春令

均疊

優游

均疊

噴沓

蝮

均疊

在染

均疊

萋斐

均疊

螟蛉

蝮

均疊

叫號

均疊

反覆

均疊

夥侈

聲雙

響沸

均疊

苑結

均疊

曲局

均疊

大雅

畔援

均疊

歆羨

均疊

悒悒

均疊

夸毗

殿屎

均疊

戲豫

均疊

馳驅

均疊

包然

沛

均疊

強禦

均疊

培克

均疊

包然

半隱廬叢稿

卷四

五

華西大學國學叢書之二

頌

周頌

均疊

噫嘻

均疊

猗與

均疊

魯頌

頌

均疊

猗那

均疊

仔肩

均疊

商

孝經能治病邪

按如今之病癡南史顧歡傳有病邪者問歡歡曰家有何書答

曰惟有孝經而已歡曰可取仲尼居置病人枕邊恭敬之自差

也而後病者果愈後人問其故荅曰善覆惡正勝邪此病者所

以差也

經傳字多異同

或問古人皆寫本故經傳多異同惟其通也如左傳善人富謂之賞淫人富謂之殃李賢注後漢書折像傳不仁而富謂之不

幸下引左傳謂之賞爲謂之幸則李賢所見本乃幸字與曰賢引此二句善舉其大意仍以賞字爲是攷據家不必因此致疑

代王鼎臣荅王子裳書

讀大箸書序荅問及攷異二冊引據詳瞻駁議精瑯佩服靡已百篇之序斷非孔子作明矣蒙竊有說與尊論有相發明者亦有獻疑者按史記儒林傳秦時焚書伏生壁藏之其後兵火起流亡漢定伏生求其書亡數十篇獨得二十九篇即以教于齊魯之間學者由是頗能言尙書蒙謂伏生漢大儒果藏百篇之書能記憶背誦者當不止四之一又孔臧與安國書云舊書潛于壁室歛爾復出古訓復申惟聞尙書二十八篇取象二十八宿何圖乃有百篇是伏生時無百篇之證尊說王充論衡伏生半隱廬叢稿

卷四

六

華西大學國學叢書之二

抱百篇藏山中不足據極是又班氏藝文志云書之所起遠矣至孔子纂焉上斷於堯下訖於秦凡百篇而爲之序言其作意是班氏以書序爲孔子遺文尊說以爲沿劉歆之誤是也蒙謂秦時孔騰孔鮒皆藏尙書安知不出二人之手且漢時僞孔子者不盡是仲尼如說文中引孔子曰一貫三爲王孔子曰視犬字如畫狗之類豈盡仲尼之言周彝器中王字作缶說文亦作缶貫三之說乃秦小篆後世傳延陵季子碑亦非孔子書此其比也又史記有扈氏不服啟伐之大戰于甘將戰作甘誓書序啟與有扈戰于甘之野作甘誓與史記同淮南齊俗訓高誘注有扈夏啟之庶兄也以堯舜舉賢禹獨與子故伐啟此三說皆言啟而墨子明鬼篇云嘗上觀乎夏書禹誓曰大戰于甘莊子

人間世禹攻有扈國爲虛厲呂覽召類篇禹攻曹魏屈鷺有扈以行其教又先己篇夏后相

孫氏校相富作柏即伯禹

與有扈戰于甘澤而

不勝說苑正理篇禹與有扈戰三陳而不服此四說皆言禹按國爲虛厲謂因用兵而有疫厲仍與戰不勝同戰不勝故啟復伐之又左傳夏有觀扈武觀是啟子觀扈對舉則禹時有扈未滅可知然墨子莊子呂覽皆先子史記究以禹戰甘爲長又尊箸荅問末云曰若稽古帝堯卽堯典之序一節以詩宜有序書不必有序說本馬貴與而加詳可謂善讀二十九篇者實獲我心此數說與尊論相發明而有獻疑者竊謂書序雖非孔子作史遷載之劉歆述之斑固志之馬鄭注之究與晚出古文不同諸子百家之言與書序有異同者宜並錄不必是素而非丹妍

半隱廬叢稿

卷四

七

華西大學國學叢書之二

姜而噬子尤不宜膠一說食肉不食馬肝可也先儒傳聞異詞如左傳天災流行二語爲百里奚之言國語爲秦伯之言韓之戰惠公不振旅三句左傳以爲卻至之言國語以爲欒武子之言二書皆出左氏亦有異同說苑復恩篇前章載介之推事後章又以爲舟之僑二章皆出劉向亦有異同則書序或出伏生而大傳言九共篇及武丁桑穀事不妨與書序異此可疑者一又史記帝太康失國昆弟五人須于洛汭作五子之歌書序同國作邦按五子啟子太康仲康武觀等五人也武觀幼子弟五嘗封于觀故亦稱五觀左昭公元年傳夏有觀扈楚語啟有五觀墨子非樂篇云武觀曰啟子淫溢康樂野于飲食將銘覓磬以力湛濁于酒愉食于野萬舞奕奕章聞于天天用弗式又

周書嘗麥篇曰其在啟之五子忘伯禹之命假國無正用胥與作亂遂凶厥國皇天哀禹賜以彭壽恩正夏略離騷五子用失平家巷竹書紀年云啟十一年放季子武觀于西河十五年武觀以西河叛彭伯壽征西河武觀來歸是武觀嘗叛而後歸順留于京師者也王符潛夫論五德志篇云太康仲康更立兄弟五人皆有昏德不堪帝事降須洛汭僞五子之歌未深攷遂以爲五子皆賢係誤會史記書序非史記書序之誤可疑者二史記所載多與書序同惟太戊一篇史記有而書序無疑至臣扈二篇書序有史記無伯禽之命唐誥二篇則見左傳而書序史記均無據尊說以爲作書者或本史記而節取其文然何以不作太戊序又增疑至臣扈二篇書序有汨作九共九篇稟飮皆半隱廬叢稿

卷四

八

華西大學國學叢書之二

不敘于史記或言汨作卽鴻範汨陳之汨言繇之治水也書大傳引九共曰予辨下土使民平平使民無放數語而汨作稟飮無聞書序帝釐下土方亦不知何所本可疑者三又書序秦穆公伐鄭晉襄公帥師敗諸崤還歸作秦晉史記則以爲敗崤後四年繆公自茅津渡河封殽中尸乃誓于軍思不用蹇叔百里倭之謀故作此誓今後世以記余過大旨相同紬繹誓詞尙未有立功之事則仍以書序爲是史遷本紀世家中錯綜敘事到置者不少不僅此一條也書序孫疏于是悔過作秦誓七字左傳無之誠然然玩不替孟孤之過也二句則悔過之意已何必引用成語又書序平王錫晉文侯桓鬯圭瓚作文侯之命而史記新序以爲晉文公劉伯莊以爲天子命晉同此一詞索

隱非之蒙按此說亦通左傳明言晉文公事用平禮也卽平王
享晉文侯之禮然究以書序爲長左氏載王謂叔父敬服王命
以綏四國糾逃王慝四句此則周襄王命晉文公之詞文侯之
命不載斯語故知是周平王可疑者四因并錄就正焉

半隱廬叢稿

卷四

九

華西大學國學叢書之二



命不載漢書載周平王曰錄晉四句後載周襄王
命晉文公之詞文侯之命不載斯語故知是周平王可疑者四因并錄就正焉

半隱廬叢稿卷五

此卷前爲三朝聞見錄今并入叢稿中

長洲朱孔彰仲我撰

或問余曰子紀咸豐以來將帥戰功而爲別傳是但知將之力而不知相之功但知武人之勞而不知文臣之助如倭仁公等之善曾文正而平江南文祥公等之善左文襄而平新疆宰相多不見之功子何不亟述之乎余曰余之書欲勵武臣作勇敢之氣豈徧紀名臣哉欲列武臣不能不先書統帥故冠以曾胡左諸公如外官文臣學政有輔於平寇者不少亦未及書今錄數事以諭後人

孫渠田學士視學廣西

道光末洪寇初起瑞安孫渠田學士鏘鳴視學廣西以巡撫某

半隱廬叢稿

卷五

華西大學國學叢書之二

公諱寇密疏首發其事後賊勢彌熾圍桂林孫學士親在城中助防守三十一日而圍始解設當時如孫學士之燭於機先則金田賊早可撲滅不至釀成巨禍蔓延天下時京官袁公甲三亦奏某巡撫欺節彌縫賊饑已張莫能遏孫學士丁未科爲會試同考官得二十一爲合肥李公鴻章一爲侯官沈公葆楨李公平江蘇髮賊山東燃匪沈公平江西賊皆有大功烏程周縵雲學士學濬亦視學廣西得一士爲岑襄勤公毓英襄勤平滇黔破法兵於越南名聞天下與李沈二公埒孫學士後奉朝命兵繕治圍于鄉築安義堡學士之兄劭聞先生衣言記之曰咸豐三年春天子以粵盜之亂詔天下郡邑練民郝堡以自固復命仕宦之在籍者與守土官並舉其事而予弟鏘鳴方以廣西

學政在假實督吾郡團堡事於是郡之人皆相率團練其山海衝要往往築堡以守而子弟亦自爲堡於吾郡既訖功命之曰安義之堡以書走京師請紀其事予謂郟堡之設蓋古者同井守望之法而先王之意則一寓之於井田如周禮遂人之所爲蓋非第以通溝澮川洫而已所以正其疆界而爲之封域者誠以爲守助之資禁強暴之擾也後世井田廢則無所謂疆界民所恃爲固者舍城堡其道無繇若其意則猶井田之意也然先王之意又非第以爲可守而已嘗考之大司徒之職既制其井域而封溝之矣又必詳爲教法以治之其於比閭族黨之閒既示之以相保受賓葬矣又必頒之以職事教之以三物而所尤重者則孝友睦婣任恤之六行其不孝不友不睦不婣不任不恤者則交有刑以糾之必使盡就我教而後已而至於禮樂之精微亦未敢後焉先王之所以聯其民而教之備者以爲不如是則雖予以可守之地而亦不能以自固也吾郟在縣治西北二十五里吾孫氏聚族而居之民儉而勤敦樸而畏法蓋所謂有職事而易教者今又有堡以爲守矣而益導之興行相率以爲孝友睦婣任恤使其比閭族鄰之閒如父子兄弟之相親愛也是無待於堡而固矣況乎爲之守以禦強暴者又有如是之資哉且此豈獨爲吾堡言之也今盜賊之患自廣西而蔓於吳楚數千里之閒豈無險阻之限與高城深池之可恃也哉何其所至殘破也然大抵其民之樸厚尙義者卽不被寇或寇至有可與守而其所殘破皆沃土教民之聚也由是觀之雖天子所

以固天下獨不以教民爲先務乎是亦可因吾堡之說以推之也堡之建以三年七月日始以今年二月日成長若干丈高若干尺凡用錢若干緡用人之力若干工云咸豐四年夏四月按溫台二郡閩師未至之先皆民團自爲戰守瑞安大港白布屢與賊戰有名白布者孫渠田學士治團時以白布一方爲團勇號衣書曰安勝義團時義民與賊戰皆謂之白布孫學士治團半年以地方事爲小人所中奪官劾聞先生後官安徽治曾文正公營務二年而江南平

許仙屏侍郎視學陝甘

奉新許仙屏侍郎振禕視學陝甘當同治末年回匪亂隴上積十四年未試望學臣按臨甚急時西甯未復河州降回復叛正半隱廬叢稿 卷五

三

華西大學國學叢書之二

在勦撫之間許公不避艱險跋涉千餘里徧歷河湟郡邑錄降人子弟入文武生員籍者數百人告之以孝弟之理忠信之言居家事上之道或賜酒食回民皆感且泣轉相告語謂許公活我已列我子弟弟子行矣初公咨于諸生得向忠武榮舊部都司名袁發者始質手書宣國家德意曉以禍福卽降可一切洧洗錄子弟於學不則斬刈無遺無悔袁發亦回人回族信之故得入賊壘示以書皆感激願降因是多得其降書符信以歸許公知賊可以誠感卽乘輜車出入虎狼之叢絕幕礮角罔弗親歷或宿賊巢中招其渠魁喫味摩撫比於孩孺公道回巢必張紅蓋于前使數回民前導當白彥虎欲降未降時黨羽數萬公試涼州猝遇之相距不一里在高阪望見公紅蓋賊踞平原而

陳旌旗蔽空戈矛摩戛聲相聞從者皆股慄欲逃公呵禁之前
導二回民評曰督學院許大人過此賊黨乃迎拜解散去白彥
虎將降以主者欲禽斬乃遞關外餘黨多就撫左文襄奏曰學
臣不避艱險親歷窮邊漢回離迎爭拜馬首謂此事也於是天
子嘉之明年關內肅清當是時非許公安反側于無形則未降
者不敢就撫已降者且復叛甘人比之回紇拜郭令公云

新甯劉尙書阻和日本電奏

新甯劉尙書坤一在咸豐年間督軍剿賊於江西廣西勳名藉
甚世所共知至光緒廿年由兩江總督出山海關督辦北洋軍
務與倭人相持半載敬慎不敗而忠愛之誠尤見於阻和議三
電奏則南人所未知也若從公議豈有今日之孱弱不振哉謹
半隱廬叢稿 卷五

四

華西大學國學叢書之二

錄二篇以諗來禩

光緒二十一年四月四日晚督辦北洋軍務劉電致督辦軍務
處王大臣代奏云初一日戌刻總署密電奉旨新定和約條款
讓地兩處賠款二萬萬皆萬難允行之事設竟決裂則北犯遼
瀋西犯京畿皆在意中著體察現在大局所繫及各路軍情戰
事是否可靠據實直陳等因欽此坤一於新訂條約雖未深悉
要之讓地賠款兩條目前固難以允行後患尤不堪設想宜戰
不宜和利害輕重事理顯然此固天下所共知亦在聖明所洞
鑒惟一經決裂倭必分擾猛攻自以保京畿固遼瀋爲第一要
義查遼瀋等軍依克唐阿長順陳湜等軍皆與賊累戰甚爲得
力唐仁廉亦係宿將所部槍械已齊當足以資抵禦更有宋慶

魏光燾李光玖諸軍駐紮甯錦一帶該將領等忠勇過人屢當大敵相機戰守似遼瀋後路可無他虞倭如圖犯京畿則自關至京沿海要口處處設防又有各大枝游擊之師倭寇縱能登岸究屬孤軍既有董福祥程文炳兩軍堵禦於前而津榆皆有重兵可以兩面夾擊即不得手可以一戰再戰以期必勝未必彼則長驅直入我卽一蹶不振萬一京畿吃緊坤一必抽動勁旅迅速入衛以保無虞前電所云戰而不勝當可設法撐持者此也夫利鈍本難逆睹但倭遠道來寇主客之形彼勞我逸近得探報倭新軍多以老弱充數餉亦不繼在我只須堅忍苦戰否則高壘深溝嚴爲守禦倭奴懸師遠鬥何能久留力盡勢窮彼將自爲轉圜之計況用兵兩年需餉不過數千萬較賠款尚不及三分之一持久二字實爲現在制倭要著諸將一聞和約義憤填胸拚命決一死戰坤一職在戎兵宗社所關惟以殫竭血誠力任戰事斷不敢愛惜生命上負國恩此外則非所敢知昨於初三日馳抵唐山與王文韶聶士成丁槐等面商意見相同謹據實直陳光緒二十一年四月十一日晚又電奏云和戰大局宗社所關朝廷當爲早權至計坤一前兩次電奏已罄愚忱何庸再瀆惟近日外閒傳聞謂和局業經批准不日派員赴煙台換約又得各處電報據俄法德三國電阻倭割地條約倭未見允許各國屢聯致決絕之書又稱倭兵艦多艘開出廣島俄國決意開戰又稱伊籐甚急催中國先行換約有事再商等語以上各節坤一無從深悉亦未敢遽信如果屬實是倭已處

極危之勢而我即以可乘之機各國羣起而攻以倭兵力餉需已苦難支方且自顧不遑何能攻我在我只展期換約觀釁而動則目前之地步稍紓己可亟圖補救且約卽批准彼此未經互換行止仍由我主持當各國紛起環攻我展轉與之展期極力磋磨彼何敢遽然決裂萬一經換約卽係定局縱各國攻取約內之地恐仍非中國所有倭卽許以後再商已落後著與其挽回於事後曷若堅定於目前關係非輕事機難得天下大較爭此關頭況中國一與交鋒倭自力難兼顧津防務較鬆卽可抽調關內勁旅會合關外諸軍迅速分路猛攻收復遼東失地揣情度勢此尤機會之不可失者倭島國耳今日已成虎狼又與我最爲逼處若得遼台爲附兩翼中國必有噬臍之禍遼半慮廬叢稿

卷五

六

華西大學國學叢書之二

台與倭本國聯成一氣日益強盛將來卽求援西洋各大國亦無能制其死命若此次和議定約一任倭爲所欲爲貽患無窮何堪設想現在如何消息出使許大臣想已密電陳奏在王大臣熟思審處必有微權坤一昕夕焦思不敢不據實上陳是否有當伏候聖裁

合肥李相國上恭親王書

合肥李相國平江蘇巨寇年未四十在滬上練兵與僞忠王李秀成悍賊搏戰躬親督陳如塞洪水如捕惡蛇始終無一隙之暇無一著之懈卽練洋鎗隊駕馭外人精神亦極貫注同治元年十二月上恭邸書言練兵事甚詳曾文正謂爲才大心細者此也其書云江蘇巡撫李鴻章謹上書恭親王殿下迭奉諄諭

敬知閏八月二十日陳覆一函已塵鈞鑒荷蒙訓辭之深厚獎藉之殷拳拊臚捫心欽感何已西人怙強喜兵本其素性其自請訓練中國之兵無非誇張氣勢藉便私圖欽奉寄諭以爲練兵不如練將誠爲探本扼要之論現遵派委副將張遇春挑選營勇隨同英國兵頭梅士家分哈利生演習炸礮又令副將劉銘傳招致法國兵頭畢乃爾等住營教習洋鎗炸礮均與之居處相習以圖細心考究查西洋兵法陸路不紮營壘不駐帳棚其陳勢進退分合之宜方圓起伏之法亦無甚異所最要者在整齊步伍而已於古人束伍之說差爲得其髣髴出兵或數百人或數千人相排並進步法最爲齊整鴻章所部湘淮各勇皆用楚軍陳法亦以整飭隊伍爲先著而臨敵變化或兩翼分張

或諸道環進不能及洋人之整齊而規取遠勢以伺賊隙而後薄之行止自相照應亦猶兵家遺意不必盡與洋人合也洋人制勝全在軍火器械色色精利不惜重費其演放之法尺寸毫釐皆有準則師授所傳耳目所習皆若固然中國通知算法者久爲絕學又不達之于實用雖學習之久而語言文字不相通曉知其當然而不知其所以然其靈妙究遜洋人鴻章于洋鎗一項督率訓練已漸有規模欲令該副將等用洋人所長練習步武演放炸彈大礮之法積之歲月或有增益亦未可知默察天下大勢必將有製器尙象之工出一仿洋人所爲造船製礮先利其器後積其資而後可以自強而後可以威加于海外洋人于開花礮炸彈之類深自吝惜不可奪之中國其用心殊甚

險狠鴻章竊謂宜先注意於此但使一營中演放大礮開花礮得數十人久之將熟習其機括而推測其妙用更覓外國工匠使相傳習製造則可應用不窮故操練洋人兵法其功效無幾演習洋人鎗礮其利益實多鴻章奉領鈞教體察辦理冀幸中國弁兵演放稍精推廣教練異日或爲國家稍效驅除之力至于華爾舊部常勝軍由吳煦楊坊等始意藉資其力以禦寇口糧軍火及各種支應皆視官軍加至數倍收復松江青浦兩城亦頗有功日益驕蹇又任意增募四千餘人以成尾大不掉之勢白齊文本領心術遠出華爾下實不可以情理喻其調援金陵始終無所推辭經吳煦等詳請具奏後乃多方狡展不宥開行終藉索餉爲辭閉松江府城數日又毆傷楊坊劫掠其存銀

半隱廬叢稿

卷五

八

華西大學國學叢書之二

四萬餘鴻章奏請斥白齊文仍負固不服英曾輒言我不派人接管常勝軍定要叛亂吳煦亦自稱力不能制萬不得已乃由士提督派人會同副將李恒嵩管帶鴻章與之反覆辨論酌定章程十六條大致在量減四千五百人之數爲三千人而裁汰一切雜費昨已照錄咨呈鈞鑒在案推原白齊文滋事之由實因英國提督何伯士迪佛立晤爲把持白齊文憑藉其力恣意橫行無所顧忌在該提督等之蓄謀不過招攬常勝一軍歸其管轄陰喉白齊文導之反覆以伸其操縱之術英曾不欲攻克金陵故白齊文赴援之議已成該酋多方阻難迨白齊文撤去兵柄該酋又藉詞清理欠賬留置兵船至今不遣不解何意自來用兵勇者易于招集而難于撤散常勝軍近五千人又皆外

國兵頭帶率訓練其力足以相脅持鴻章籌思數月獨以此軍爲深慮而無從得一善全之法茲因事變橫生勉強調處辨說百端而後軍籍稍可稽查餉需稍可核計積弊已深稍施補救之計其難數倍此尤中外交涉之大端也至英國訓練之洋鎗隊前派紳士周志鴻唐樾管帶專爲彈壓隊勇散放餉需起見蓋洋人之訓練頗能專勤兵勇既習其法號令節制一聽指撻中團會帶之官不容參與若餉銀亦歸洋人散放一切支銷日增日多無從裁制洋人藉以網利兵勇亦倚仗洋人之勢抗官擾民莫敢過問初議訓練洋鎗隊時鴻章卽以此二者苦口爭辨英人屢欲翻終不之許故洋鎗隊之爲累比常勝軍稍減其派周志鴻等管帶則以洋鎗隊調集團勇承充不另招募以懲

常勝軍雜收甯波人之失周志鴻等并係辦團得力之員目前較易聯絡將來亦易遣散鈞諷以周志鴻官職較卑爲疑用意精密實深欽服第洋人藐視中國不在官職之高下有非可假虛名以施其防維者亦其勢然也其尤爲江浙大害者則有一種洋商販運鎗礮軍火接濟賊匪而各國流亡人相率投賊營充當教習鴻章四江口之戰奪賊洋鎗至數千桿左中丞之攻龍游湯溪曾藩司之守雨花臺賊所使用洋鎗炸彈傷人無算昨常熟賊酋錢桂仁約降遣弁周興隆入其城所演洋鎗隊亦有洋人爲之訓練餘存洋鎗屯聚盈庫此最可慮左中丞曾藩司各軍號稱精悍兵力實勝往時賊自據蘇常以後驕奢淫佚其勢亦漸散漫無久存之理獨特所有洋鎗與官軍搏戰其鋒

常不可當。豈天不欲遽滅此賊而令與洋人爲緣以助其虐邪？查洋人酋長與中國和好，似尙知大體，守條約其販運鎗礮接濟賊匪，率皆小販。洋商希圖賊中之厚利，趨之若鶩，必非有心助賊。然其駐紮中國各官，不聞有嚴密防閑之議。洋人官商平等，毫不隔越。此等私販，諒無不知之理。而相視漠然，屢經公使飭知，而其私販洋鎗及流亡洋人之往來，賊中終亦未能禁絕。論者頗言洋人之駐防上海，專爲保護商市，決非能與中國同仇。願賭賊匪就滅而思，所以攘除之其意且樂觀中國之變，以肆其貪得無厭之心。坐視官兵之剿賊爲鵠蚌之持，故上海洋務視他處尤難。以與賊相距過近，常有所挾持其動以撤防爲辭，非其防兵之有益中國也。其意固曰：中國不與會防，則之此半隱廬叢稿

卷五

一〇

華西大學國學叢書之二

之彼固自綽綽也。幸其公使提督等官尙能外託交好之名，不甚遠于情理。鴻章事事斟酌，應付示以限制，使在彼無可據之辭。在我有不可移之理，尤恃明略偉識，孚以誠信而示以防閑，使不至事事苛求，以必遂其所欲。其小販洋商皆以滬市爲總匯，江海南岸各口處處賊巢，聽從運入，無法查禁。其洋行洋船藏棄之所，尤非官兵所能顧問。當由各國領事代籌，拔本塞源之策，設法攔截，務得駐京公使剴切一言，或可依守禁約，互相稽查。使賊中少此利器，未始非東南軍事之一助。屢承殷殷注問，瑣屑及之以求有所開迪，俾獲遇事遵循，無任悚息屏營之至。伏叩鈞安，不宣。鴻章頓首謹上。十二月初六日。

馮翠亭宮保於咸豐末年在江南守鎮江勛名已著至光緒十一年與法人戰于鎮南關大捷克復諒山忠勇奮發至老不衰說者以爲軍械火器不及外洋而能戰勝此次法人受創中國十年不被外邦侵侮其關係非淺余閱電報奏章詢之粵西在事友人爰敘次鎮南關戰事一篇他日譔傳備遺忘也

光緒十年十二月法人率大衆自船頭來犯
十九日法兵攻谷松

二十九日法兵陷諒山 是月馮公子材暨王孝祺軍自廣東來援先後抵龍州募軍未足裝械未齊王孝祺率數營馳援出關而諒山已潰馮公原有之八營尙在東路僅帶中軍兩營駐龍州

半隱廬叢稿

卷五

一 一 華西大學國學叢書之二

十一年正月初一日馮公聞警乃留一營彈壓根本親率一營赴南關與王孝祺軍攔截潰勇廣西巡撫潘鼎新令馮軍回顧東路遂統十營駐關外東路

初九日南關告警廣西巡撫令馮公西援未至法兵入鎮南關桂軍統將楊玉科戰沒董履高受重傷諸軍多潰惟蘇元春所部及陳嘉六營尙完

十一日法兵焚關自退

十二日馮公至南關建議於關內十里之關前隘跨東西兩嶺閒督所部築長牆二里餘外掘深塹爲扼守計營於嶺半令王孝祺軍屯於後半里許爲犄角當是時蘇元春軍陳嘉軍俱屯幕府在關前隘之後五里蔣宗漢方友升軍俱屯憑祥

在幕府後三十里潘鼎新軍屯海邨在幕府後六十里魏綱軍屯艾瓦防朮封在關西百里王德榜軍屯油隘專備鈔截兼防入關旁路在關外東三十里獨馮軍兩枝當中路前敵二十日後越南人密報法將出扣波襲朮封攻收馬繞出南關以北欲斷唐景松馬盛治兩軍歸路於是蘇元春率軍暨魏綱軍趨朮封以待馮公遣五營扼扣波以邀之

二子七日法數十騎率教匪至朮封魏綱軍先驚走扼扣波之馮軍突出奮擊法兵敗遁獲其馱軍火大象一擒匪黨二

二月初二日法人來爭扣波遇馮軍脫洋衣洋帽挂林木而竄初五日夜馮公率王孝祺軍出關襲敵山有法壘三安巨礮我

半隱廬叢稿

卷五

一一

華西大學國學叢書之二

馬中礮斃易騎戰死士由山後攀崖而上破其二壘法兵多死敗走我兵傷亡亦多未刻收隊

初七日法人悉起諒山之衆併力入關直撲關前隘長牆馮公告諸將曰法再入關有何面目見粵民何以生爲諸將皆憤甚誓與長牆俱死法以開花礮隊循東西兩嶺濇向下轟擊以槍隊撲中路法謂越南人皆馮內應自以眞法兵居前黑兵次之西貢洋匪又次之教匪客匪在後礮聲震天遠聞七八十里外山谷皆鳴槍彈積陳前厚者至寸許我軍死戰傷亡殊多東嶺新築五壘未成爲法攻踞其三王孝祺自率小隊鈔敵後仰攻敵稍卻戰至申刻蘇元春援軍至合力拒戰諸軍傳餐至夜未收隊是日王德榜自油隘出軍夾擊據文

淵之對山與敵鏖鬥數時互有傷亡遇法運軍火乾糧之賦馬無數逐之皆返走法糧械遂不得入關

初八日清晨復大戰法兵來益衆礮益緊馮公居中蘇元春助之王孝祺當右陳嘉蔣宗漢當左左路即東嶺法礮最猛馮公與諸統領約有退者無論何將遇何軍皆誅之復於各路設卡以截殺逃者馮公與王孝祺各刃退卒數十人敵勢狂悍致死已薄長牆或已越入馮公年將七旬短衣草履持矛大呼躍出長牆率其兩子相榮相華搏戰將士齊開柵門湧出諸軍見馮公如此無不感奮關外游勇客民千餘聞馮公親出陳皆來助戰伺便隨處狙擊馮公分屯扣波之軍亦自關外西路來夾擊其背於是諸軍合力死鬥短兵火器雜進

半隱廬叢稿

卷五

一三

華西大學國學叢書之二一

王孝祺部將潘瀛率選鋒袒臂裸體衝入敵陳故所部傷亡最多陳嘉爭東嶺三壘蔣宗漢繼之七上七下陳嘉受四傷不退至西末王孝祺已將西路法兵擊敗親率軍由西嶺鈔敵後與陳嘉等合擊而王德榜之軍亦自關外夾擊東嶺之背遂將三壘奪回是日王德榜清晨出軍甫谷待敵援至率隊衝之法兵截爲二法兵因回槍擊德榜軍德榜軍奮擊大勝部將張春發蕭得龍戰最勇斃法酋法匪甚多餘衆敗走獲其騾馬五十餘匹所馱皆槍礮彈麵餅洋銀之屬德榜遂自外夾擊東嶺奪還三壘法鏖戰兩日彈礮已盡而後隊軍火被截惶懼無措頃刻間礮聲頓息遂大潰我軍任意斬殺法兵翻巖越澗而竄有法國王子在兵隊中習戰亦逃死旬

一日後有樵人入山見深谷中餓死法人數十此役計殺眞法兵黑兵千餘法酋數十客匪教匪數百追出關十里而還

初十日馮公親率十營出關攻文淵州法兵望風潰遁追擊斃紅衣法酋一遂復文淵法人以越官文淵州知州通馮剖其腹殺之而去

十一日官軍進駐巴平法又增兵來鬥戰兩時許卽潰退躡勦至諒山城下

十二日諸軍三路攻諒山法踞諒城固守並扼對河北岸驅驢墟墟有王德榜舊壘甚固黎明王德榜進攻之士卒多傷斃其六晝兵總一午後諸軍至王德榜與王孝祺兩軍戰尤力傷亦多孝祺部將潘瀛執旗先登諸軍並進克之法涉水而

半隱廬叢稿

卷五

一四

華西大學國學叢書之二

逃併守諒城

十三日五鼓馮公軍楊瑞山劉汝奇等潛渡河攻諒山辰刻克之獲其軍械糧米無算皆納之官軍無私焉諸軍大至法悉衆遁分兵追剿桂軍楚軍追中路廣軍追西路

十五日陳嘉軍攻谷松小卻王德榜軍將魏綱軍往援併力奪其礮臺斬三晝法酋一

十七日克復谷松馮公軍追至觀音橋破其巢是日又克復屯梅屯梅卽長慶府生禽五晝法酋一斬二晝法酋一遂進軍拉木逼攻耶甲耶甲卽諒江府王孝祺進軍貴門關連日諸軍追殺獲法兵極多盡復去年官軍所駐邊界

二十五日馮公親率全軍進規北甯王孝祺軍同進適奉停戰

撤兵之旨乃止前軍馮紹珠麥鳳標等尙攻郎甲至廿九日
還

謹按馮公三次出關討平越亂恩威並著此次統軍赴龍桂
越軍民聞其至若得慈母稱爲馮青天其軍紀律最好凡關
外越人受法匪游勇之害者關內民人受各軍騷擾之害者
咸來赴訴馮公亦視若子弟惻然矜憫爲之撫卹示禁告戒
諸軍越官越民爭爲耳目敵人舉動悉來報知近自北甯遠
至西貢皆通消息其軍出關後扶老攜幼簞食壺漿來相犒
問願供辦軍米嚮導先驅助官軍勦除法人長爲天朝赤子
馮公亦毅然自任致書兩廣總督張公之洞督辦廣東軍務
彭公玉麟請奏謂若假以事權期以一年肅清全越由此觀
平隱廬叢稿 卷五

一五 華西大學國學叢書之二

之機會誠可惜也聞鎮南關捷電至京師比常期壓後二日
想是和議將成恐捷電先奏朝廷不宥草草許和必有不忠
之人從中播弄至爲可恨曾惠敏公自西洋來電亦謂許和
太速法人自謂入中國以來未有如此次之受鉅創者舉國
嗟怨將其外部花利罷黜倉卒乞款其勢窳可知也

左文襄與彭剛直書

左文襄公議交涉事不持和節常鋒穎屢屢向敵國光緒六年
新彊平召公入都備顧問以收復伊犁事俄人派兵船來北洋
公與彭剛直公書論此事今所刻遺集中不載謹錄之雪琴仁
兄官保大人閣下六月奉復一緘並附輪船摺計可達覽九月
初一日得七月十九日焦山惠書敬承所示俄情叵測無足爲

怪而中外競張虛聲爲脅和之計殊不可解弟於七月廿四日
欽奉諭旨來京陛見以備顧問應即星馳展覲一慰十三年戀
闕之忱因寄諭中命慎舉賢員接辦關外一切事務卽馳函毅
齋銀臺速來哈密籌度一是一面料理軍事餉事準備卸接於
八月初四日覆陳計毅齋到此當在九秋下浣十月初吉交卸
欽符後入關抵蘭州交卸督篆乃可取道秦晉赴都也頃得前
敵各軍偵報伊犁阿克蘇喀叶噶爾防務安謐如常俄官俄商
斂戢不敢妄逞前此之越界放哨越界紮營者一經詰問卽便
撤回俄境並其駐守界內之俄兵亦日漸減撤察其舉動似稍
有畏忌西事既緩弟又與毅齋詳商布置可免轉頭甌墮之虞
差爲私慰耳俄國地大民少內亂方興黷武不已實具敗徵近
半隱廬叢稿

卷五

一六

華西大學國學叢書之二

年因動兵舉債五千二百萬兩以其俄西腴地爲質較之中國
空虛尤甚前使崇厚墮其術中朝廷更命使臣前往改議力持
舊約仍不惜巨款以贖其求於邦交之誼亦云厚矣伊乃借重
治崇使爲損其體面虛聲脅款大肆狂言劫剛於六月底行抵
俄都首允開釋崇使冀力持界務允其商務通融終歸於好如
果辯論精詳或亦弭兵一策但豺狼之性未可以口舌爭恐非
決勝武力不可至兵船二十三隻已抵日本將於八月封遼海
諸說不獨泰西各國競相响喝卽中國海談亦互相傳播似已
確有見聞萬方一概良用慨然如果實有其事則我駐倭使臣
豈能置之不論何以總署七月中旬來信寂未題及一字來示
亦係得之傳聞揣其議或因日本購造鐵甲輪船兩隻因之吠

聲吠影傳會而成亦未可知就令俄船大至亦祇二十三隻豈能搖動中國福建船政頻年所造二十三隻若以今年新造兩船合計則二十五隻李質堂李與吾忠勇樸幹極一時之選平時談及洋防輒握拳透爪恨不得一當以報朝廷豈事至即談虎色變邪閣下忠直激烈大略深明值此時艱必當有嘉猷入告一紓宵旰憂勤者弟雖衰朽無狀抵都後擬卽終老邸寓長備顧問不敢復作歸田之想但步履殊艱健忘日甚不堪仍玷班聯擬懇閣開缺於心稍安也區區愚忱閣下當有以亮之手此卽請勳安惟照不具愚弟左宗棠頓首九月初四日

半隱廬叢稿

卷五

一七

華西大學國學叢書之二

此即請勳安惟照不具愚弟左宗棠頓首九月初四日

我朝國體之盛衰全視其君之賢否其君之賢否全視其臣之忠否

我朝國體之盛衰全視其君之賢否其君之賢否全視其臣之忠否

我朝國體之盛衰全視其君之賢否其君之賢否全視其臣之忠否

我朝國體之盛衰全視其君之賢否其君之賢否全視其臣之忠否

我朝國體之盛衰全視其君之賢否其君之賢否全視其臣之忠否

我朝國體之盛衰全視其君之賢否其君之賢否全視其臣之忠否

我朝國體之盛衰全視其君之賢否其君之賢否全視其臣之忠否

我朝國體之盛衰全視其君之賢否其君之賢否全視其臣之忠否

半隱廬叢稿卷六

長洲朱孔彰仲我讓

救屠兒

黻俞正燮先生字理初博覽羣書著癸巳類稿癸巳續稿風行海內性行端方閉戶著書寡交游在黻與邑宰王槐清先生善又與先博士論經義相得雅不欲問俗事槐清先生治黻公明廉正政暇惟造俞先生廬談論經史一日啟門俞先生曰幸勿過我槐清先生怪問焉曰有屠某母在此泣求屠某犯小過其母老無人侍養母言屠兒孝官拘去己二日矣怪予不為一言以此請公勿過我也槐清先生歸即釋屠兒予有詩紀其事云自古畸人隱市廛民風興起孝為先我侯習覽昭王事恐有屠羊似楚賢

半隱廬叢稿卷六

華西大學國學叢書之二

梁星海廉訪過白門惠紈扇書了未歸田詩見示荅和兼申

謝忱

五噫歌成久自傷初衣新曳芰荷香紀恩憂國存詩史引疾歸

田有諫章君乞病疏寓風諫之意得播海內早播文名驚海內今留遺愛在襄

陽團圓明月常相照欲把仁風處處揚

黻俞鼎初先生名正禧理初先生之弟有金陵懷古詩四首

余兒時曾見其稿俞詩今散失矣

金川管鑰啟黃昏祝髮空傳遁鬼門誰遣翩鴉疑叔父直教飛燕啄皇孫灰揚玉軸留遺恨草沒銅駝長舊痕多士不惟齊主父悠悠青史總難論 七國削時今自苛偏從骨肉起干戈黃

襪顧託無先著紅篋流傳奈晚何燕子翩翩能入室月兒黯黯
竟沈波楚弓楚得原無恨可惜蒼生白骨多 孝陵鬼哭雨瀟
瀟四鎮蟲沙化宋寥半榻客迷容短夢後庭花發舞纖腰血傾
鹿酒魂何在腸斷煤山恨未消不信臥薪嘗膽日無愁天子又
南朝 半壁猶張天塹誇中原失去已無家臨春結綺情何麗
剩水殘山日已斜狎客幾番歌玉樹孤臣空自泣梅花可憐一
片秦淮月又見降王走傳車

先博士輓汪南士先生聯

聖童譽自髫齡學海經神皖省論才推獨步
賢士嗟當厄歲母老子幼鄉邦含慟有同音

題洪魯軒詩卷二首

半隱廬叢稿 卷六

華西大學國學叢書之二

自笑乾坤一腐儒老來世路遇崎嶇何時舊好都相聚繪得成
同五老圖 節義南朝晉皓公君詩本自有宗風今朝開卷心

先喜德業知能繼五洪

君族自宋忠宣公三子至國
朝涇舟公編爲五洪年譜

寄姚仲實兼酬叔節去年見寄之作

流浪無成感歲華老年文字媿多瑕窮途誰肯憐朱亥嗜酒偏
多笑孟嘉新學昌明開世界

叔節爲皖中大
學堂總教習

古文宗派重君家

姬傳石甫二先生古文海
內宗之君兄弟能繼家聲

濠州舊事曾相憶官閣聯吟句共誇

余與仲實同客濠
州別來十年矣

庚戌重九游大觀亭方倫叔和李審言七言古歌次韻奉答

兼簡叔節

五十年前尋遺址灌莽無際橫雲峯今日亭臺壯大觀靈秀若

爲天所鍾

同治初從柏堂先生及吳擊甫蕭敬夫游此有尋大觀亭遺址賦

柏堂老叟昔從游

吳蕭繼逝悲我胸時人或擬橋化枳賤子實羞蛇作龍却換紅

羊一回顧江流千里息烟烽莽莽秋山黃葉落戎戎江樹白雲

封冠蓋相過尋勝蹟千戈既靜閑臨衝飛電百尺照樓明斜陽

一徑草丰丰二子先登我獨後歸到蓬萊酒興融

小蓬萊酒肆名歛至

更有陳驚坐節叔縱談詞銳入面鋒說經問學未能答走媿寸

荏撞巨鐘自笑目蒙如水母安得厯鼠負蚤蚤技醉下梯酒已

酣老饕真可笑阿儂黃花佳節萬家樂歸來莫鼓聲瑟瑟我今

深羨元英子勃然詩興老猶濃

送魏午帥旆節閩浙

報政經年好整閑知公心事似君山此時忠款慰王室早歲勳

半隱廬叢稿 卷六

三

華西大學國學叢書之二

勞出玉關絮已奉公籌國計抑強扶弱濟時艱曾

文正胡忠文劉忠襄

武愼忠誠

左名臣望待次麒麟畫像問天子方深南顧憂豐侈雙節

向閩甌江山氣固資元老瀛海波沈接素秋叔譽亦能知武子

段于今已見文侯江東半隱心多感還望旌旗駐石頭

癸丑秋紀金陵圍城事五首

我年二七遭流離衰白何堪再見之劫運滄桑胡底止生民塗

炭感斯時千年城郭難爲守六代江山付與誰牙將牙兵各雄

長晚唐時事不勝悲 殺機一起勢難平江表男兒性命輕秋

水芙蓉都下淚江干楊柳不勝情北方有識能觀變南國無財

莫用兵多少青年良子弟誤投湯火枉平生 各逞雄才據霸

圖五侯九伯擅征誅詩書已廢軍難治杼柚其空事可虞策士

智囊今罕有兵家凶器古來無危城終夜雷聲擊震耳難眠一
病夫 昔年洪李躡江東今日共和事不同豪傑性情原各異
英雄意見總難融潛思隱避林泉外傲倖餘生礮雨中滌暑火
雲能久戰一軍惜已化沙蟲 向戌原來強弭兵中華尙待聖
人生權謀自古難持久豁達從來見至誠山藪包容差易治乾
坤頓整思無成南風不競今如此太息沈吟半死聲

錄程春浦寄徐弢參詩

水竹邨居

原注菊老輝縣
住宅名水竹邨

歲月悠高懷觴詠孰能儔山中宰相

陶宏景天柱先生李鄴侯今昔滄桑多感慨後先憂樂儘綢繆
獨憐一土難歸去乳酒頻叨潤渴喉

杜少陵有謝前
鄭公送乳酒詩

題冰天春霽圖

半隱廬叢稿 卷六

四

華西大學國學叢書之二

洪琴西都轉賜環入關於今二十三年矣幼琴五公子出冰天
春霽圖見示予感懷疇昔不禁潸然謹題二絕句光緒三十有
一年夏六月書於白門旅館昔出陽關兩汜塵歸來塞草又逢
春從今益感君恩厚雪窖冰天有蓋臣 玉關春霽氣猶寒風
動刀環雪撲鞍二十年前公駐馬幾行衰淚展圖看

壽陶渠林觀察五句晉二並次原均

服官政歲方逾二說禮敦詩見性天觀史能通百廿國

觀察通
外國史

使東洋著日
本學校彙編

知兵早讀十三篇

觀察總辦
將備學堂

感君說士甘猶肉媿

我隨時學慕羶安得相從論世局高談雄辯一驚筵

題程達青秋墳弔鶴圖二首

爲有雲山作比鄰著書終老卽歸真四圍秋色墳前樹他日應

題漢逸人好繪楓谿入畫圖青山不老見真吾他年博得君王
賞一曲波光似鑑湖

甲辰秋孟黃畊硯歸歷陽承贈詩篇次韵奉和

昔日志氣欲凌雲二九年前記樂羣鍾阜煙光增別致棲霞秋
色又平分青衫依舊誰憐我自首如新再遇君

同館譯書局

獨喜涪

翁詩筆健擘牋投贈媿殷勤

錄程功甫和席子餘癸丑除夕及甲寅元日詩

賈島祭詩驚餞歲子山作賦喜宜春繁燈如畫家雞鼎正色敷

天野馬塵竹葉千鍾銷客慮梅花幾樹伴吟身送窮姑假文爲

戲媚竈無由造要津尹喜東瞻紫氣來函關端爲老聃開瑞

傳衡岳呈銀甕書續廣川箸玉杯莘野幡然堯舜念渭濱卓爾

半隱廬叢稿

卷六

五

華西大學國學叢書之二

霸王才元辰祈穀安耕鑿源裏桃花取次栽


才韻謂棧也


經傳虛字義說

說文之學非難不必求之太深可就淺近言之使小兒輩知中國伏義神農黃帝以來製文字之原明白而已初尙簡一二三畫而已至四五畫已變化無窮前三倉不過三千數百字後三倉乃有七千餘字說文集其大成不過九千餘字蓋由簡而繁文字茲生自然之理也至周初則有六書之義一曰指事二曰象形三曰形聲四曰會意五曰轉注六曰假借皆謂製字之原今與兒輩先說虛用字使略知其意

哉在口部之間也从口哉聲於六書爲形聲字經傳皆用爲語助詞蓋本字本義如論語吾何以觀之哉是也如周書哉生

魄爾雅初哉首基解爲始字乃作質字用
與在昇部黨與也从昇从与會意古文作𠄎按早与皆聲會意
兼形聲也与部有与字賜予也一勺爲与此与與同又按作賜
予解爲實義作歎詞解爲虛義如求之與抑與之與歸與歸與
皆作虛字用也皆借歎字之義歎在欠部安气也从欠與聲今
人作文用歎字爲本字本義

爲在爪部母猴也其爲禽好爪爪母猴象也下腹爲母猴形王
育曰爪象形也古文象兩母猴相對形今訓爲事者引伸好
爪之意如好事也故洪範曰有猷有爲有守先博士以引伸爲
轉注

者在

即自


部別事詞也从白𠄎聲於六書爲形聲許又云𠄎



半隱廬叢稿

卷六




六

華西大學國學叢書之二

古文旅字按古文魯作旅一聲之轉自別于魯亦兼會意
說文本作虛字用如論語孝弟也者是也

於在鳥部爲古文烏字孝鳥也象形孔子曰烏旃呼也取其助
氣故以爲烏呼古文作按象羣鳥之形又作象古文烏省
今分二字以於爲于在于部爲語助詞如論語敏於事而慎於
言是也於六書爲假借

焉在鳥部焉鳥黃色出於江淮象形大都爲歎字助詞如論語
有君子之道四焉是也又焉能爲有焉能爲無亦有安字虛用
之義於六書爲假借

其在箕部篆作小徐篆韻譜作大徐說文作小徐以爲
古文大徐以爲籀文本爲籒米之箕經傳作爲他字用如其爲

人也孝弟是也於六書爲假借

則在刀部等畫物也从刀从貝貝古之貨物也本會意字多爲法則字解今段借爲助語之詞如論語則以學文是也又有盡其辭之意夏小正鷹則爲鳩傳則盡其辭也又廣雅釋言則卽也皆作虛字用

乎在兮部許云語之餘也从兮象聲上越揚之形也此字會意兼象形本作虛字用如不亦說乎不亦樂乎是也

于在于部於也象气之舒亏从亏从一一者其气平之也此本字本義

既在皀

音香

部小食也从皀无聲論語曰不使勝食既此本字本

義經傳作爲已字用者是爲假借之義如論語既得之既而曰

半隱廬義稿 卷六

七

華西大學國學叢書之二

是也

矣在矢部語已詞也从矢日聲於六書爲形聲字按形聲亦多兼義从矢者矢口而陳也从目者已止也經傳歇止之詞多用矣字此爲本字本義如論語吾必謂之學矣是也

屮在之部本是象形字象艸從地生出古字有作屮屮形者皆象草之出地其訓爲出者艸從地生出古字有作屮屮形者皆象草之出地風吹之艸葉可左可右其用爲虛字者故有之往之意如論語學而時習之是也作虛字用者爲本字本義訓往詞者爲引伸之義先博士以爲轉注

邪在邑部本琅邪郡名也从邑牙聲假借爲表惡之表至經傳常用爲虛字者俗字作耶如易乾坤其易之緼邪是也顏氏家

訓曰邪者未定之辭北人即呼爲也

而在而部頰毛也象毛之形周禮曰作其鱗之而按本實字後世用爲承上起下之虛字如論語敬事而信節用而愛人是也徐鉉謂今俗別作髻爲實字義非是

能在能部熊屬足似鹿从肉目聲按本形聲字又兼象形其足也能獸堅中故稱賢能而彊壯稱能傑也此能字爲引伸之義先博士以爲轉注如論語事父母能竭其力是也

然在肉部是古文朕字本訓犬肉也从犬肉會意讀若然火部又有然字燒也从火朕聲徐鉉曰今俗別作燃蓋後人增加口部又有噤字語

聲也然則今用然而然且字皆有承上起下之意當寫噤字後人隨便用然是同聲段借之義如論語然則師愈與是作轉語

半隱廬叢稿 卷六

八

華西大學國學叢書之二

孟子夫道若大路然是作比詞是也

亦在亦部人之臂亦俗作腋也从大象兩亦之形按大者人也兩

點指腋間於六書爲象形兼指事字經傳虛用爲又字之意是段借之義如論語不亦說乎不亦樂乎是也

夫在夫部丈夫也从大大象人形象簪橫於頭上周制以八寸爲尺十

尺爲丈人長八尺故曰丈夫按象形兼會意字是本身之義爲丈夫而用爲虛字者如孝經夫孝德之本也爲提起之詞左傳

公喉夫瘳焉爲指彼之詞論語吾已矣夫爲歎語之詞

不在不部篆作不鳥飛上翔不下來也从一一猶天也象形凡人事之不能行如鳥高飛不能下也此引伸之義先博士以爲

轉注

否在不部不也从口从不亦聲是會意兼形聲字徐鍇曰不可之意見於言故从口按今用本字本意如孟子曰否吾何快於是也

也在乙移音部女陰也象形當是古有此說鍾鼎文多作注水匜

字𠂔𠂔𠂔諸形皆是注水即能實受之經傳皆作虛字用如

論語言可復也遠恥辱也皆不用匜字之本義先博士以爲段

借字人

雖在虫部似蜥蜴而大从虫唯聲息遺切在六書爲形聲字今段借爲發聲之詞如尙書雖則云然論語雖曰未學是也

且在且部薦也从儿足有二橫一其下地也按本實字象形兼指事今用爲增加虛字之意如論語富且貴是也

半隱廬叢稿 卷六

九

華西大學國學叢書之二

已在巳辰巳部从反巳篆作𠂔作𠂔以賈侍中說巳意巳實也據

賈意是實字訓蓋攷仁說文只作意已今蓋攷有縫象形而借爲用字者如使民以時是也古只一字今隸書分二形作已作以字从儿从人大徐附載篆文筆迹相承小異作次言說文不从人直作𠂔形

論語言而進也蒙說釋也音不韻通字之本義沃刺士也爲思

字會字中蒙說釋也音不韻通字之本義沃刺士也爲思

也注了𠂔諸形皆是注水即能實受之經傳皆作虛字用如

論語言而進也蒙說釋也音不韻通字之本義沃刺士也爲思

也注了𠂔諸形皆是注水即能實受之經傳皆作虛字用如

也注了𠂔諸形皆是注水即能實受之經傳皆作虛字用如

跋

先君著述廿餘種已刊者中興將帥別傳三十卷續編六卷題曾文正公祠百詠附注遺事不分卷又說文粹三編僅石印一卷辛亥事變中輟餘稿胥未槩丙子春程芝軒先生排印華西大學國學叢書第一種 先大父尙書古注便讀畢議印 先君遺著時半隱廬叢稿六卷臧篋衍乃畀付印 先君筆語初有三種一半隱廬叢談記與友朋弟子講學問答時及故事二小桃源筆記記夥風俗方言文獻暨親友事跡夥有桃源洞別名小桃源故以題編三爲三朝聞見錄記清咸同光三朝名公偉人遺聞佚事以補中興將帥別傳所未及民國初元江寧臨淮寓廬皆遭兵燹稿多散佚三年 先君應清史館聘至北京半隱廬叢稿 跋

華西大學國學叢書之二

修史之餘檢柙舊稿十喪七八并爲五卷題爲聖和老人筆記未幾以老退居臨淮並擬將詩文襍著編入不復另爲集改題筆記曰半隱廬叢稿編纂未就 先君謝世師轍奔喪淮上檢校遺稿睹所存文尙踈足自集成詩生平酬應各體不下萬首所存百無一二然仍可附刊集後今叢稿末卷存詩若干首多晚年與友唱和隨手錄於筆記茲仍其舊合於叢稿都爲六卷其詩文集則擬另刊師轍追憶 先君見背歲月荏苒勿勿又十八年矣不孝飢驅奔走江海飄零未能將遺文哀輯早付剞劂而世變遞遭靡知所屆校覽遺編愴懷萬端不知涕之何從也民國廿五年五月男師轍謹識

先考仲我府君行狀

先考仲我府君卽世不肖中子師轍謹述言行事實以告當代君子大略如狀我遠祖徽國文公居新安至有明曰思親公自新安徙河南再徙蘇州世以儒箸九傳而至府君我高大父府君諱煥中清乾隆壬午北榜舉人官廣東運庫大使曾大父府君諱德垣附貢生大父府君諱駿聲中嘉慶戊寅舉人大挑黜縣訓導箸說文通訓定聲等書數十種行於世以粵匪亂卜居黟之石村大父生先考仲我府君晚鍾愛備至未嘗督之讀然府君好學孳孳不息先大父歎曰惜吾老未能教汝矣未幾先大父棄世冷官清苦家徒四壁府君熒熒孤立奉孀祖妣倪太夫人祖妣高太夫人以孝聞無何先妣程太夫人來歸黟亂方半隱廬叢稿

行狀

華西大學國學叢書之二

熾避地祁門山中生先兄師軾時曾文正公督師皖南延攬人才咸豐十一年府君年十九詣安慶上書大爲文正所器以年少留讀書不役以事馬兩農先生方任皖學使聞府君名延課子兼校文馬公子少府君財一歲府君辭謝馬公曰以年則相若論品學則師有餘矣何疑焉乃許之府君勤事學益進馬公大喜屢張府君於文正府君不知也異日府君進謁有世家子數輩在坐文正顧府君謂之曰朱君幼學汝曹當效之府君月必以文呈文正文正嘗評云擬荀子勸學洵爲傑作多宿儒所不逮餘亦本末燦然足以內紹箕裘仰希前哲大慰大慰一時幕中名士咸相欽異願訂交焉而莫子偲程伯敷二先生尤契合程先生以季女字先兄師軾爲忘年交當是時府君財弱冠

一布衣已爲時賢推重若此文正移節金陵欲延府君入幕主
文牘府君有難色文正曰吾知君意君儒林文苑才此不足辱
君卽委襄校江南官書局局中如莫子偁戴子高張嘯山李壬
叔劉恭甫諸先生皆一時名宿府君年最少與其列時人榮之
府君安貧樂道有高世之想文正於文醮間每盛誦之嘗贈以
聯云先生素居江海上處士風流水石間可謂知之深矣文正
旣沒府君嘗遊孫勤西廉訪洪琴西都轉涂朗軒制軍梅小巖
中丞莫善徵大令劉文莊公仲良許仙屏中丞之幕其後王鼎
臣觀察劉忠誠公峴莊相繼聘修兩淮鹽法志馮夢華中丞聘
修鳳陽府志兼主淮南書院蒙城書院魏午莊制軍聘襄江南
編譯局沈子培方伯聘充安徽存古學堂學長所至輒重府君
半隱廬叢稿 行狀

寧藩司許公仙屏之聘許公故文正幕客尤倚任府君有候補官某欲得缺以巨金餽乞進一言府君正色拒之曰許公端人必不出此否則余亦將諫止之其人沮喪退生平剛介類如此性耽譔述不慕榮利始遊文正戎幕諸名士多附軍籍邀薦擢致通顯知交有欲爲府君謀保薦者府君笑謝之卒以經古優等入長洲邑庠屢躋南闈壬午復以經文中式年已四十矣三試春官不售見綱紀陵替益不樂仕進專事著書感懷知遇綴寫遺聞則有題曾文正公祠百詠之作憂國怙危追思先烈則有中興將帥別傳之編紹述家學闡微義蘊則有說文粹二篇之箸昌洋經訓罔羅漢詰則有十三經漢注之輯兼綜九流博稽百家則有聖和老人筆記之述另有詩文稿若干卷已梓者半隱廬叢稿 行狀

三

華西大學國學叢書之二

僅百詠將帥傳二種說文粹財印一卷遭辛亥改革江寧臨淮居寓皆罹兵燹家產蕩然益貧困民國元年避居黟石村患瘡幾殆嘗慕趙邠卿之爲人自爲墓碣曰清有處士朱氏孔彰遁世无悶終焉永臧久之病愈二年皖都督柏烈武教育司江彤侯聘充國學社長提倡樸學一時稱盛時教育部方開讀音統一會皖人共舉府君爲代表入都與會府君上書多所建議事罷返皖而二次革命起避亂歸金陵金陵亦亂病痢居圍城中師輒寓京師郵書皆不達憂甚旬餘北軍入城復縱掠衣物皆盡張少軒督軍韓紫石巡按聞之各贈百金藉供朝夕滄桑屢變喪亂疊遭體氣始稍稍衰矣四年徐又錚先生聘編正志中學經學講義優禮不勞臨席講授清史館長趙公次山復聘充

協修府君撰清史編講義董理私筭日夕不輟師轍方任參政院主事侍側屢以節勞請府君曰吾樂此無害明年洪憲帝制起又明年復辟變興憂患頻更精力疲曳文字之役始命師轍爲之仍親視艸偶易數字既乃不復更改曰吾事汝能任之吾可休息矣其冬退養臨淮初府君主講淮南書院受業者衆縱史留寓漫應之及自蒙城返過臨淮門人謝纘三復請府君亦以其地風俗醇樸衣食儻靡購茅屋數楹居焉至是重加繕葺有終焉之志府君精岐黃善衛生病不服藥飲食消息卽瘥終身未嘗進補劑每言享大年者不服藥餌旣南旋天氣和暖身體復舒暢今年夏秋師轍師鼎暨述曾先後歸省見顏色豐腴飲食如昔方以遐齡克享相慶孰知曾未浹辰永遠色笑豈不

半隱廬叢稿 行狀

四

華西大學國學叢書之二

痛哉府君生平講學無分漢宋義理考訂惟求其是幼承先大父遺緒由小學通經學由經學通詞章稍壯從曾文正遊尤究心歷史輿地經世之學旁及天算醫藥諸子百家一生立身行事以文正爲法學問博大精深似因而實勗所著說文粹三編首編常用字二編難字皆務取簡明三編重文則務博核古今言重文者無專書府君博考精訂廣爲箋證疑義胥釋學者便之所編將帥傳斷制精嚴采錄書籍凡數百種七年始成書論者謂其難遠邁王壬秋先生湘軍志府君又以後世經注浩穰多望文生義學者莫知適從世務愈紛日力有限豈宜疲精於此以漢儒去古未遠訓詁精確辭簡言覈讀之已能盡意乃輯九經漢注以貽後學其他詩文詞賦所撰甚衆稿成輒棄去師

轍間嘗輯錄百存一二而已府君講學不喜標榜行事不言理學而躬行實踐皆合於宋儒軌則雖當世講道學者弗如也清季名士府君既多雅故講學最契瑞安孫先生中容宜興吳先生鏡如生平課箋多孫先生序跋吳先生尤精小學以古籀證說文獨標特識書凡數十冊未成而卒點竄塗乙他人弗能讀府君親爲釐定條例鈔成清稿題曰說文稽古篇昇吳公子弄藏又好獎勵後進誨人不倦主講所至門徒甚盛成材衆多雅善書翰尤工篆籀行草人爭寶求府君弗自珍也平居慎言語不臧否人物喜飲酒酒酣乃縱論天下事直言無隱知交識者胥以爲至言家本寒素館粲稍豐則梓先大父遺箸躬自校訂成十餘種每以不能全榮爲憾又嘗分賄親友往往朝夕不給半隱廬叢稿

行狀

五

華西大埠國學叢書之二

晏如也素達觀嘗引漢楊王孫晉劉伶以喻復手書勉勵子孫命薄葬無誦經無多焚紙錢作無益之事師轍等奉讀遺教感深手澤益增悲痛於無窮者矣府君諱孔彰字仲我原名孔陽字仲武後更名別號江東半隱晚年自號聖和老人人生於道光壬寅四月二十五日寅時卒於民國八年十月十一日巳時享年七十有八將於明年某月某日葬於臨淮細蕘窆

後以水患遷葬

御駕

新阡距家三里而遙府君元配先妣程太夫人生伯兄師

軾長洲邑庠生次姊阿修適黟邑庠生胡紹淑次阿如適黟州同銜汪升圭次阿同適黟邑庠生吳子成次卽師轍長洲邑庠生民國參政院主事繼配母丁太夫人生弟師鼎師鐸師麟師祁孫男三人長述曾黟邑庠生次福曾福祖伯兄師軾及弟師

錯皆已卒世師轍等幸侍奉老母自媿修行無狀不足以光昭
先德思託賢達文章垂諸不朽謹狀其實以俟文焉不肖中子
師轍謹狀

前教育部總長政事堂機要局局長年愚弟同邑張一慶拜填
諱

半隱廬叢稿 行狀

六

華西大學國學叢書之二

稿

清海青浩燃身真律堂機要局局長年愚弟同邑張一慶拜填

稿

清海青浩燃身真律堂機要局局長年愚弟同邑張一慶拜填
稿

半隱廬叢稿勘誤表

頁數 行數 字數 誤

卷二 後一 十五 穀

七 十八 東

五 六 刺

六 前十 十六 穀

卷三 後二 十一 寇

九 前六 六 陝

十 十一 十五 朔

卷四 後九 十一 寇

三 後九 十一 朔

流離雙聲此下當留一空格始箸下文

籛際均此下仍留一空格始箸下文

半隱廬叢稿勘誤表

五 前一 一 齋

九 前一 一 齋

十 前一 一 齋

留奴雙聲此下當留一空格始箸下文
魚際均此下亦爲空格不與次行之文接連

齋

半隱廬叢稿

中華民國二十五年六月付印

每部定價 國幣 壹元

著作者 長洲 朱仲我 先生

校字者 後學 安岳 陳家驥

出版者 成都華西協合大學哈佛燕京學社

發行者 成都華西協合大學中國文學系

印刷者 成都梓潼橋維新印刷局

代售處 成都華西協合大學圖書館



成都華西協合大學圖書館

編輯者 成都華西協合大學中國文學系

出題者 成都華西協合大學中國文學系

對字者 吳 安 岳 陳 家 驥

校字者 吳 安 岳 陳 家 驥

校字者 吳 安 岳 陳 家 驥

半隱廬叢稿

第一集

第一集

第一集

第一集



60